

ԵՐՈՒԱՆԴ Վ. ՏԵՐ-ՄԻՆԱՍԵԱՆՑ

72

ՀԱՅՈՑ ԵԿԵՂԵՑՈՒ

ՎԵՐԱՆՈՐՈԳՈՒԹԵԱՆ ԽՆԴԻՐԸ

Թ Ի Ց Լ Ի Ս

ԴՐԱՄԱԿԱՆ ՏՐ. Ա. ԱՊԱՆԵԱՆՑ. ՊՈԼԻՑ. 7

1910

281(3)

S-46

2(9)



ԱՎՀԱ. Եղ. Պր. Խեց- պատուիքը
ԵՐԻՒԱՆՈՒ Կ. ՏԵՐ-ՄԻՆԱՍԵԱՆՑ

20/Է 1913.

281. 6

281 (3)


5-46

ՀԱՅՈՑ ԵԿԵՂԵՑՈՒԻ

ՎԵՐԱՆՈՐՈԳՈՒԹԵԱՆ ԽՆԴԻՐԸ

8
8/15


Հ 67411



Թ Ի Ֆ Լ Ի Ս
ԷԼԵԿՏՐԱԿԱՐ ՏՊԱՐԱՆ ՕՐ. Ն. ԱՂԱՆԵԱՆՑ. ՊՈՒԼԻՑ. 7
1910



1720



5799

Յ Ա Ռ Ա Զ Ա Բ Ա Ն

Խոստմանս համաձայն՝ ահա հրապարակի վրայ եմ գնում, առանձին գրքոյն կով, իմ ըմբռնումը Հայոց եկեղեցու ներկայ գրութեան և նրան անհրաժեշտ կարենոր հիմնական վերանորոգութեան մասին:

Գրքոյնիս մէջ մտել են համարեա ամբողջութեամբ իմ երկու նախորդ յօդուածները նոյն ինզրի մասին, որոնցից մէկը Հայոց եկեղեցու Բարձրագոյն վարչութեան կարգադրութեամբ՝ պաշտօնական «Արարատ» ամսագրի միջից պոկուելու և այրուելու բախտին արժանացաւ: Այս, ինչ որ այդ յօդուածներում միայն հարկանցի կերպով էինք նկատել իւր ժամանակին, աշխատել ենք այս գրքոյնի մէջ աւելի մանրամասն և պարզուոչ հիմնաւորել: Խոյս ենք տուել միայն վերանորոգութեան խնդրի ծագման ու պատմութեան հանգամանքների մանրամասնութիւնները նկարագրելուց, որովհետեւ մտադիր ենք շուտով այդ խնդրին առանձին գրքոյն կով դառնալու: Շատ բան ունէինք ի հարկէ դեռ ասելու այս ու այն կարենոր կէտի մասին, բայց մի կողմից չկամեցանք չափազանց ընդարձակել գրքոյն կը՝ ի վսաս ընթերցանելիութեան, միւս կողմից՝ նիւթական միջոցն արդէն որոշ սահման էր գծել նրա ծաւալին:

Ինչ որ է, առանց ծածկոյթների և անըմբռնելի խորհրդաւորութիւնների, ահա մատուցանում եմ իմ ասելիքը հայ ընթերցող հասարակութեան և հոգեորականութեան ուշադրութեանը: Հայ ժողովուրդը պէտք

է դատէ, թէ ում կողմն է իրաւունքը։ Իսկ հայ հոգեւորականութիւնը... ի՞նչ ասեմ. ուրիշ անզամ արդէն շեշտել եմ, որ իմ բոլոր գրածները հրապարակի վրայ են և սպասում են հայ հոգեորականութեան քննադատութեանն ու հերքմանը։ Բայց մինչև այսօր պաշտօններից զրկուելն եղաւ իմ ընկերների և իմ պատասխանը, միայն մկրատն ու կրակը խօսեցին իմ ասածների գէմ, որոնք, ինչպէս յայտնի է, համոզմունքի խնդիրներում հերքելու գօրութիւն չունին։

Յոյս ունենանք, որ գոնէ սրանից յետոյ Հայոց եկեղեցու հոգեորականութիւնը տարրական քաղաքացիական քաջութիւն կունենայ կամ խոստովանելու իմ ասածների բացարձակ ճշմարտութիւնը և ուրեմն՝ այսուհետև հաստատուն կերպով կ'կանգնի բարեփոխութեան ձանապարհի վրայ, կամ բանական հիմունքներով և քրիստոնէական կրօնի սկզբունքների պարզաբանութեամբ ակնյայտնի կ'կացուցանէ, որ ես սխալում եմ։ Միջին ճանապարհ չկայ. և եթէ այլ կերպ վարուելու լինի հայոց բարձրագոյն հոգեորականութիւնը, հասկացողներին կ'մնայ վերջնականապէս երես դարձնել նրանից և ճշմարտութիւնն ու փրկութիւնը ուրիշ տեղ որոնել։

ԵՐՈՒԱՆԴ Վ. ՏԵՐ-ՄԻՆԱՍԵԱՆՑ.

ՀԱՅՈՑ ԵԿԵՂԵՑՈՒԻ ՎԵՐԱՍՈՐՈԳՈՒԹԵԱՆ

ԽԱԴԻՔԻ

«Հուը եկի արկանել յերկիր. և
զի՞նչ կամիմ, թէ արդէն իսկ
բորբոքէր»:
ՌՈՒԿ, ԺԲ. 49

Ա.

ՀԱՅՈՑ ԵԿԵՂԵՑՈՒԻ ԸՆԴՀԱՆՈՒՐ ԴՐՈՒԹԻՒՆԸ

Կարծտ է Հայոց եկեղեցին վերանորոգութեան,
քարեփոխութեան, թէ ոչ. Ահա մի հարց, որ տարբեր
կերպով են ըմբռնում և որին տարբեր կերպով էլ պաշտասնանում են:

Ա. Ոմանք ասում են՝ Հայոց եկեղեցին հիմնական
վերանորոգութեան կարիք չունի. նրա մէջ ժամանակի
ընթացքում թոյլ վարիչների անշնորհքութեան պատ-

ճառով որոշ անկանոնութիւններ են մտել, որ պէտք
է վերացնել. ուրեմն՝ կարգաւորութիւն, բայց
ոչ թէ բարենորոգութիւն:

Բ. Ուրիշներն ասում են. պէտք է դուրս վանել
Հայոց եկեղեցուց օտար եկեղեցիների ազգեցութեամբ
մտած զանազան սովորութիւններ, պէտք է կարգաւո-
րել նրա պաշտամունքը, փոքր ինչ կրծատելով աւե-
լորդաբանութիւնները, առանց սակայն ձեռք տալու
հիմնական կէտերին: Պէտք է նաև եկեղեցական կազմա-
կերպութեան մէջ մուտք դործած խառնաշփութիւնն

ու անկարգութիւնները վերացնել, որպէս զի նա կը ը-
կին իւր հին հմայքն ու փայյն ստանայ: Այդպիսիների
համար յատկապէս անձեռնմխելի է եկեղեցական դաւա-
նանքը. ոչ թէ այն պատճառով, որ հաւատում են կամ
ճշմարիտ են համարում նրա մէջ արտայայտուած գա-
ղափարները, այլ որովհետև վախենում են դրանով աղ-
գի մէջ «պառակտում» առաջ բերելուց և տիրող խառ-
նաշփոթութիւնն աւելի ևս մեծացնելուց: Այդպիսիների
համար եկեղեցին գլխաւորապէս քաղաքական մի հիմ-
նարկութիւն է: Հակառակ դէպքում այդպիսի առար-
կութիւնը հիմք չէր ունենայ:

Գ. Մի ալլ խումբ այն գաղափարն է պաշտպա-
նում, թէ կրօնը առհասարակ, ուրեմն և եկեղեցին, այլ
ևս գեր չունի կատարելու մարդկութեան կեանքի մէջ,
նա անցած գնացած ժամանակների անզարգացած մը-
տածողութեան արգիւնք լինելով, իւր ժամանակի հետ
իրապէս անհետացել է և նոր գիտութեան ու փիլիսո-
փայական աշխարհայեացքի առաջ գոյութիւնը պահ-
պանել ու շարունակել չէ կարող: Նա մի մնացորդ է,
աւերակ է հին ժամանակներից և կարող է այդ պատ-
ճառով միայն պատմական հետազոտութեան առարկայ
լինել: Այդպիսի գաղափար ունեցողները, տեսնելով
իրենց առաջ, հակառակ իրենց տեսութեան, իրական
քրիստոնէական եկեղեցին, աշխատում են կամ ամեն
կապ նրա հետ կտրելով իրենց տեսութիւնն արդա-
րացնել, կամ աւելի յաճախ՝ եկեղեցու գոյութիւնը
դոնէ առ այժմ անհրաժեշտ չարիք համարելով, ձըգ-
տում են նրա կրօնական կողմը բոլորովին ոչնչացնե-
լով և չէզոքացնելով, նրա վերջնական անկումը արա-
գացնել: Այդպիսիները, մեծ մասամբ հայ յեղափոխա-
կանները, Բ. կէտի ներքոյ յիշուածների գաղտնի դաշ-
նակիցներն են: Քանի որ եկեղեցին իրաւական գոյու-
թիւն ունի և որոշ արտօնութիւններ ու իրաւունքներ
է վայելում, պէտք է օգտուել նրանից կուլտուրական

նպատակների համար, առանց սակայն թոյլ տալու, որ եկեղեցին վերանորոգուի, բարեփոխուի, ընկղմուի իւր իսկական նպատակի մէջ, որովհետև «եկեղեցին խաւարային մի զօրութիւն է», որ իրու խոչընդու կանգնած է մարդկային մտածողութեան ու դործունէութեան ազատ թոհջքի առաջ: Այդ պատճառով էլ այսպիսիներն ասում են. իրու խաւարի և յետագիւմութեան պաշտպան և ժողովուրդ ստրկացնող՝ բարեփոխուած եկեղեցին ամենից աւելի վտանգաւոր է. դրա համար էլ պէտք է ամեն կերպ արգելք հանդիսանալ նրա վերակենդանութեանը, որպէս զի նա անկեալ դրութեան մէջ մնալով՝ ինքն իրեն մեռնի, անհետանայ:

Դ. խմբի սակաւաթիւ ներկայացուցիչները այն գաղափարի են, թէ Հայոց եկեղեցու վերանորոգութեան հարցի լաւագոյն լուծումը կ'լինի Հայոց եկեղեցին վերածել ե. դարու սկզբին տիրող պարզութեան: Մի առաջարկ, որ որչափ և առաւելութիւն ունի վերև յիշուածների նկատմամբ, յատկապէս գաղափարի պարզութեան տեսակէտից, այնուամենայնիւ անիրազործելի է, որովհետև 20. դարու սկզբում այնպիսի եկեղեցական կազմակերպութիւն և քրիստոնէական կեանք առաջ բերել, ինչպէս եղել է ե. դարու սկզբում, ոչ հնարաւոր է և ոչ էլ ցանկալի: Հնարաւոր չէ, որովհետև ե. դարու պայմաններն այժմ չ'կան և արհեստական եղանակով ստեղծելն անիմաստ է և անկարելի. ցանկալի չէ, որովհետև 20. դարից ե. դար վերադառնալու համար մենք շատ բան պիտի մի կողմ դնենք մեր այժմեան քաղաքակրթութիւնից, գիտութիւնից և կեանքի եղանակից, որոնք շատ մեծ արժէք ունին և հէնց քրիստոնէական քաղաքակրթութեան ու կեանքի արտադրութիւն են:

Ե. խմբին է պատկանում Հայոց աղջի տմբնամեծ մասը: Այդ մեծամասնութեան համար դոյութիւն

ունի եկեղեցին լոկ իբրև մի ծխական հիմնարկութիւն, որի հետ կապուած է նա միայն աւանդութեամբ ինչ որ որդին տեսել է հօրից, կատարում է ինքը և զրանով սովորեցնում իւր յետնորդներին անել նոյնը, առանց երբէք հաշիւ տալու, հարկաւոր էր արգեօք այդ ձևականութիւնը կատարել անպատճառ և ինչու էր անհրաժեշտ: Այդ մեծամասնութիւնը բացարձակ կերպով և լիովին անապարբեր է դէպի եկեղեցու այս կամ այն ձևակերպութիւնը կամ ուղղութիւնը: Նա ապրում է հանգիստ իւր աւանդական նախապաշարում՝ ների և սնոտիապաշտութիւնների մէջ և եկեղեցին էլ իւր ներկայացուցիչներով հանդերձ դարձրել է այդպիսի սնահաւատութեան հովանաւորող մի հաստատութիւն: Որ սրանց համար Հայոց եկեղեցու վերանորոգութեան խնդիրը ամեննեին գոյութիւն անդամ չունի, հասկանալի է ըստ ինքեան: Բայց այդ չէ նշանակում անշուշտ, թէ նոքա միշտ կ'մնան իրենց անտարբերքնի մէջ, նաև այն ժամանակ, երբ նրանց կ'հասկացնեն, թէ ո՞րն է ուղիղը, ճշմարիտն ու մարդավայելը:

Կլինին իհարկէ նաև այնպիսի մարդիկ, որոնք կասեն, թէ Հայոց եկեղեցին աչ մի բարեփոխութեան կարօտ չէ. նա պէտք է այնպէս մնայ, ինչպէս որ կայ: Աստուծոյ հիմնած հաստատութիւնը մարդիկ փոխելու իրաւունք չունին: Այդպիսիներն այնքան կուբացած են և այնքան քարացած իրենց համոզումների մէջ, որ նրանց հետ այդ մասին խօսելն ու վիճեն իսկ անօգուտ և աննպատակ ձեռնարկութիւնների մասին այստեղ յիշելն աւելորդ եմ համարում:

Ինչպէս որ ժողովուրդն է, այնպէս էլ ընականաբար նրան առաջնորդելու կոչուած հոգևորականութիւնն է: Հայոց հոգևորականութիւնն, ինչպէս յայտնի է, բաժանում է երկու տեսակի. ամուսնաւոր քահանայուշ

թիւն և կուսակրօն պաշտօնէութիւն։ Ուրիշ եկեղեցինքի մէջ հոգեսորական դառնալու համար որոշ մեծ պատրաստութիւն ունենալ և յատուկ զպրոց անցնել է հարկաւոր, և այդ միանգամայն բնական է, որովհետեւ չի կարելի ոչ մի բանի ներկայացուցիչ դառնալ և այն էլ ըստ կոչման, առանց նախօրօք հիմնովին ըմբռնելու այն էական գաղափարներն ու հայեացքները, որոնց պաշտօնեան կամ քարոզիչը պիտի լինեաւ։ Մեր եկեղեց ցում գժբախտաբար այդպէս չէ։ Ինչպէս միւս արևելեան եկեղեցիների ջախջախուած ու քարացած մնացորդների, այնպէս էլ մեր մէջ հոգեսորականութիւնը պատրաստում է ամենանախնական հղանակով, որդին սովորում է հօր մօտ գրել կարգալ և մի քանի այլ անհրաժեշտագիտելիքներ, ինչպէս մկրտութիւն անել, մեռել թաղել և այն, և ահա Հայոց եկեղեցու քահանան պատրաստ է։ Ճիշտ այնպէս, ինչպէս որ գարրինը իւր հօր արհեստն է սովորում ու շարունակում, հիւսնը իւրը և այլն, այնպէս էլ քահանան շարունակում է միայն հօր արհեստը և ուրիշ ոչինչ։ Իսկ բարձրագոյն հոգեսորականութիւնն էր այդ գրութիւնը վերացնելու մասին հոգ տանել, շարունակում է նոյն դրութիւնը պահպանել և մինչև անդամ քաջալիքում է։ Ով որ կասկածում է վերջին նախաղասութեան ճշմարտութեան վրայ, թող մտարերէ, որ գեռ 3—4 տարի առաջ հայրապետական ստորագրութեամբ ծխական կանոնադրութիւն հրատարակուեց, որ մինչև այսօր էլ գործածութեան մէջ է և որը գիւղական քահանայի համար բաւական է համարում երկդասեան ծխական գպրոցի ուսումն ու կըրթութիւնը, ի՞նչքան ողորմելի հասկացողութիւն պէտք է ունեցած լինին այդպիսի կանոնադրութիւն կաղմաղներն ու ստորագրողները հոգեսորականի պարտականութիւնների և պաշտօնի մասին, այդ կարող է գատել իւրաքանչիւր խելահաս մարդ։

Եւ այդպիսի կանոնադրութիւն ի. դարու սկզբին կարող է կազմուել և գործածութեան մէջ մտնել Հայոց եկեղեցում այն պատճառով միայն, որ պատմական հանդամանքների բերմամբ Հայոց բարձրագոյն կուսակրօն հոգեորականութիւնը, որի ձեռքն է եկեղեցին դեկավարելու պատասխանատու գործը, ոչնչով աւելի չի կարող համարուել ամուսնաւոր քահանայութիւնից: Ինչպէս որ քահանան ուսումն ստանում է և իւր պաշտօնի պարտականութիւնները սովորում իւր հօրից, այնպէս էլ կուսակրօն հոգեորականը իւր ուսումն ու գիտութիւնը ստանում էր վանական «ժառանգաւորաց» գպրոցներում, որոնք համարեանոյնքան հեռու են մնում ժամանակակից գիտութեան վասակար համարուած արդիւնքներից ու եղբակացութիւններից, որքան և գիւղական քահանաները:

Այդ գրութիւնն ուղիղ ըմբոնելու համար չ'պէտք է մոռանալ այն կարեոր պատմական հանգամանքը, որ Հայոց եկեղեցին ևս, իւր հարեւն եկեղեցիների նման, Ժ. յատկապէս Ժ. գարից սկսած, բոլորովին ուժասպառ եղաւ, Սեղուեկների և առհասարակ մոնղոլական արշաւանքների հետևանօք, և ընկաւ խոր քնի մէջ, որ 3--4 դար անընդհատ տևեց: Անտարբերութիւնն ու խաւարը թոթափելու համար նշանակութիւն չունեցաւ նաև Հայրապետական Աթոռը Ս. Էջմիածին տեղափոխելու դէպքը, որից յայտնի չէ, թէ ի՞նչ պատճառով Հայոց եկեղեցու պատմութեան նոր դարագլուին ևս հաշում մեծ մասամբ: Իրապէս Հայոց եկեղեցու անկումն ու միջնադարեան խաւարը նոյն թանձրութեամբ շարունակում է դեռ մինչև 17. դարու սկիզբ, երբ Մովսէս Գ. (1629—1632), Փիլիպպոս Ա. (1633—1655), Յակով Դ. (1655—1680) կաթուղիկոսների և նրանց յաջորդների ջանքերով Հայոց եկեղեցին սկսում է արթնանալ իւր դարաւոր խոր քնից և աղջամղջի մէջ կրկին սկսում են զատ զատ լուսոյ ճառագայթներ

երեալ։ Այնուհետև այստեղ ու այնտեղ եկեղեցական դպրոցներ են հիմնում հոգեորականութիւն պատրաստելու համար և խաւարն սկսում է կամաց կամաց փարատուել։ Սակայն հեշտ չէր ի հարկէ միանգամից դանել այն ուղին, որով պէտք էր գնալ, Հայոց եկեղեցին կորստեան գրկից ազատելու համար. և մենք միայն երախտապարտ պէտք է լինենք մեր նախնիքներին, որ լաւ հասկանալով խաւարի վնասակարութիւնն ու լուսոյ առաւելութիւնը, իրենց կարողութեան չափով և իրենց ժամանակի համապատասխան աշխատել են դարման տանել հասարակաց վէրքերին։ Այդ նըւպատակով են հիմնուել «ժառանգաւորաց» կոչուած դպրոցները զանազան վանքերում և հոգեոր դպրանոցները թեմական կենդրոններում։ Բայց «ժառանգաւորաց» դպրոցները և թեմական հոգեոր դպրանոցները միևնույն ուղղութիւնն ու ծրագիրը չեն կարող ունենալ բնականարար. առաջինները վանքերում լինելով ունէին զուտ «կրօնական—եկեղեցական» գոյն, և գոյութիւն ունէին միայն հոգեորականներ պատրաստելու համար, իսկ վերջինները քաղաքներում էին և պէտք է անհրաժեշտաբար հոգ տանէին այնպիսի ծրագիր ունենալու, որ այնտեղից գուրս եկածը թէ լաւ հոգեորական լինէր այն ժամանակի հասկացողութեան համեմատ, և թէ Հայոց եկեղեցական ծխական դպրոցների համար լաւ ուսուցիչներ ու պիտանի քաղաքացիներ պատրաստուէին։ Այդ կրկնակի նպատակն էլ որոշ ինքնատիպ բնոյթ է տալիս մեր հոգեոր դպրանոցներին և նրանց անյաջողութեան բռնն պատճառն է։ Որովհետև անհնարին է իրօք միացնել ժամանակակից մարդուն անհրաժեշտ և հին մտքով հոգեորականի համար կարեոր գիտութիւնները միևնույն դպրոցի մէջ և պարտագիր ուսանելու նիւթ դարձնել բոլորի համար։ Հէնց դրա համար է, որ մեր թեմական դպրանոցներից գուրս եկած հոգեորականները մեծ մասամբ (բացառութիւն-

ների մասին չէ խօսքը ի հարկէ) ոչ հոգեռական հն և ոչ աշխարհական՝ իրենց համոզումներով ու հայեացք-ներով, այլ մի անորակելի խառնաշփոթութիւն ներ-կայացնող զանգուած։ Որ այսպիսի գրութեան մէջ ո-րոշ միանման ուղղութեամբ և հաստատուն ծրագրով հոգեռականութիւն պատրաստելու մասին խօսք լինել չի կարող և չի եղել, զրան ապացոյց է թէկուզ էջմիա-ծնի վերջին 50 տարուայ պատմութիւնը։

Թրութիւնն աւելի ևս ծանրացաւ նրանով, որ 1870-ական թուականներից Գէորգեան հոգեոր ճեմա-րանի հիմնարկութեամբ մի նոր հաստատութիւն ստեղ-ծուեցաւ «ի միջի այլոց» Հայոց եկեղեցու համար բարձ-րագոյն հոգեռականութիւն պատրաստելու նպատակով, բայց ճեմարանի դպրանոցական բաժնին տրուեց նոյն ծրագիրը, ինչ որ ունէին միւս թեմական դպրանոց-ները, իսկ լամարական մասնագիտական բաժնը մինչեւ այսօր էլ անհաստատ ծրագրով և ամեն տարի փոփոխուող վարչութիւնների կամայականութեան են-թակայ մնաց։ Որ այդպիսի գրութիւնից մեծ բարիք առաջ գալ չէր կարող, պէտք է պարզ լինի բոլորի հա-մար։ Ուր պակասում է հաստատուն նպատակն ու ան-յոզդող ղեկավարութիւնը, այնահեղից չի կարելի սպա-սել հասարակութեան համար պիտանի գործ։ Եւ Հայոց եկեղեցու հայրապետները, որոնք կոչուած են եղել այդ՝ եկեղեցու համար առաջնակարգ նշանակութիւն ունե-ցող կենսական գործը ղեկավարելու և Հայոց եկեղե-ցու պաշտօնէութիւնը պատրաստելու, շատ անգամ պարզ ըմբռնումն չեն ունեցել իրենց անելիքի մասին, երբեմն էլ անգիտութեամբ, բայց նաև գիտութեամբ ոտնահարել են և ծանր վնաս են հասցըել այն սուրբ գործին, որի յառաջադիմութեան համար աշխատելու պարտականութիւնն են յանձն առել իրենց խղճի և հասարակութեան առաջ։ Զնայելով սակայն այդ բոլոր խոչընդուներին, ճեմարանը բաւական թուով հոգեռ-

բականներ տուեց, թէ ամուսնաւոր և թէ կուսակրօն, յատկապէս շնորհիւ հանգուցեալ Նահապետ եպիսկոպոս Նահապետեանի, Մաղաքիա արքեպիսկոպոս Օրմանեանի և Կարապետ Կոստանեանի եռանդուն ջանքերի: Սյդ մարդկանց գործունէութեանն է պարտական Հայոց եկեղեցին նաև այն, որ այսօր բաւական թուով բարձրագոյն կրթութեան տէր կուսակրօն հոգեորական ունի, ժամանակակից գաղափարների տէր և նոր ուղղութեան ջերմ կողմնակից:

Վերևն ասացինք, որ ճեմարանի հիմնարկութիւնից յետոյ դրութիւնն աւելի ծանրացաւ. այդ եղաւ այն պատճառով, որ ճեմարանաւարտ հոգեորականները և թէ մի կողմից համերաշխ էին գնում հին «Ժառանգաւորաց» դպրոցի սերնդի հետ, միւս կողմից իրենց հետ բերում էին որոշ գիտակցական վերաբերմունք դէպի եկեղեցին և հասկացողութիւններ, որ մինչև այն ժամանակ անսովոր էին Հայոց եկեղեցում: Եւ այլ կերպ լինել չէր կարող. դարաւոր խոր քնից յետոյ՝ Հայոց եկեղեցին իւր հին հոգեորականութեամբ տեսնում է յանկարծ իւր առաջ կանգնած մի նոր տեսակ հոգեորականութիւն, որ ըստ մեծի մասին միայն տարազով է իրեն նման, իսկ գաղափարներն ու ձգտումները բոլորովին այլ են: Հայոց եկեղեցու հին յաջորդական «վարդապետութիւնը» կարելի է ասել այստեղ վերջանում է, և նոր տեսակ վարդապետութեան հիմքն է գրւում: Դրանով միաժամանակ պատրաստում էր հետզհետէ հին և նորի կոիւը հայոց եկեղեցու մէջ. և եթէ բարեպատեհ հանգամանքները մինչև այսօր շարունակուած լինէին, այլ ես կասկած չէր լինի, թէ ո՞ր կողմն էր լինելու յաղթութիւնը. այսքանը միայն կարելի է հաստատապէս ասել, որ մինք այսօր ուղիղ ճանապարհի վրայ կինէինք՝ դէպի հայ ժողովրդի և Հայոց եկեղեցու վերակենդանութիւնը:

Բայց բարեպատեհ հանգամանքները ոչ միայն

Հայուսնակուեցան, այլ ընդհակառակն՝ բոլորովին փոխուեցին։ Յայտնի չէ, թէ որտեղից, յանկարծ Հայոց բարձրագոյն հոգևորականութեան շարքն անցան և վանք մտան այնպիսի անձնաւորութիւններ, որոնք իրենց ստացած կրթութեամբ ու համոզումներով հակառակ պիտի լինէին ոչ միայն եկեղեցուն, այլ և կրօնին առհասարակ։ Մինչև այսօր էլ յայտնի չեղաւ, թէ ո՞րն է այդ մարդկանց առաջնորդող գաղափարը և ի՞նչ բանի համար են հոգևորական դարձել, որովհետեւ նըրանք բարոյական քաջութիւն չունեցան իրենց հայեացքներով ու համոզումներով հրապարակ ելնելու։ Պէտք է ենթադրել, որ նոցանից ոմանք փախել են կեանքից, իսկ միւսները կամեցել են «աղքային-կուլտուրական», բայց ոչ թէ կրօնական զործունէութեան աւելի ընդարձակ ասպարէզ ձեռք բերել։

Հայոց եկեղեցու հին բարձրագոյն հոգևորականութիւնը, որ սկզբից և եթ անհաշտ աչքով էր նայում ձեմարանական հոգևորականութեան վրայ, այս՝ դրսից եկածներին ընդունեց իրուկ դաշնակից, թէ պէտք է լաւ հասկանար, որ գաղափարների և համոզումների տեսակէտից ոչ մի ընդհանուր բան չէր կարող լինել իրեն և սրանց մէջ եւ այսօր մենք էջմիածնում ականատես ենք մի տեսարանի, որ անթիւ անգամ կրկնուել է պատմութեան մէջև մարդկային կեանքում։ «Անհաւատութիւնն» ու սնահաւատութիւնը գործումնեն ձեռք ձեռքի տուած»։ Զէ որ ճշմարտութիւնը որոնողներին միշտ ծագրող, ոչ մի բանի չհաւատացով կրօնի ամինից վատ և վտանգաւոր թշնամի Սաղուկեցիներն ու կեղծաւոր փարիսեցիներն էլ ընդհանուր թշնամու գէմ միանալու միշտ պատրաստ են եղել։

Այդպիսով՝ եթէ Հայոց հոգևորականութեան այժմեան ընդհանուր ըրութիւնը բնորոշելու լինենք, պէտք է կարճ ասենք հետևեալը։ Հայոց հոգևորականութեան մեծագոյն մասը բացարձակ տղէտ է, իսկ մնացած

վոքրամասնութիւնն էլ բաժանւում է մի քանի անյառիր խմբերի, ինչպէս՝ ժառանգաւորաց դպրոցներից հկածներ կամ մասնաւոր կրթութիւն ունեցողներ, թեմական դպրանոցներից եկածներ, ճեմարանականներ և վերջապէս պատահական տարրեր։ Դոցա բոլորին ի մի ձուլող և մի ընդհանուր նպատակի համար գործադրող, որոշ եկեղեցական իդէալի համար աշխատող և ղեկավարող Հայրապետութիւն գոյութիւն չունի։ Այդ պատճառով էլ ամեն խումբը իւր իդէալի համար աշխատելով, բոլորովին մի կողմ է թողնուած ընդհանուր իդէալը՝ Հայոց եկեղեցու բարեկարգ գրութիւնն ու Հայ ժողովրդի կրօնական-բարոյական դաստիարակութիւնը։ Եւ այդ գրութեան ականատես հայ ժողովուրդն էլ, որ իրաւունք ունի բոլոր անարժաններին ասպարեզից քըշելով իրենց արժանի տեղը ցոյց տալու, նոյն մեռած անտարբերութեան մէջ լինելով, ինչ որ հոգեորականութիւնը, ոչինչ չի անում, որով և ընդհանուր գրութիւնը աւելի ևս ողբալի և չարագուշակ է դառնում։ Մի հոգեորականութիւն, որի մեծամասնութիւնը ոչ մի գաղափար չունի իւր կոչման և ղերի մասին, իսկ փոքրամասնութիւնը այժմեան կազմով անընդունակ է մեծ գործ կատարելու. և մի ժողովուրդ, որի մեծամասնութիւնը թաղուած է սնոտիապաշտութեան մէջ, իսկ փոքրամասնութիւնը անտարբեր է ղէպի ամեն կրօնական բան կամ անհաւատ է։ Ահա Հայոց եկեղեցու պատկերը 20. գարու սկզբին։

Սյստեղ ինքն ըստ ինքեան մի հարց է առաջ գալիս։ Միանգամայն հասկանալի և բնական է, որ Հայ ժողովրդի մեծամասնութիւնը սնոտիապաշտութեան մէջ պէտք է մնար. որովհետև դարեր շարունակ տընտեսական սոսկալի ճնշման ու բննութեան տակ հեծելով նա հազիւ կարողացել է իւր գոյութիւնը պաշտպանել և հնարաւորութիւն չէ ունեցել լոյսի և կրթութեան նոտն անդամ առնելու Բացի այդ իւր հովիւնե-

ըից չի լսել աւետարանի դէպի լոյս և կհանք տանող քարոզը և այդ պատճառով էլ ընկել է նոյն գրութեան մէջ, ինչ որ իրեն շրջապատող մահմեղականները՝ Բայց ինչպէս է, որ Հայ ժողովրդի կրթուած դասի մեծամասնութիւնն էլ կամ անհաւատ է կամ բոլորովին անտարբեր կրօնական խնդիրներում, Նախ քան մեր բուն խնդրին անցնելը, անհրաժեշտ է մեղ համառօտ այդ երեսյթի պատճառներն էլ մատնացոյց անել:

Այդ խնդրում դարագլուխ է կազմում Հայոց մի մեծ հատուածի Ռուսաց տիրապետութեան ներքոյ անցնելը. Նախորդ ԺԹ. դարու սկզբում: Ամենին յայտնի է և մանրամասն բացատրութեան ամեննին կարօտ չէ, որ այդ դէպքով Արևելեան Հայոց քաղաքակրթական զարգացման մէջ մի մեծ փոփոխութիւն տեղի ունեցաւ. Արևելեան քաղաքակրթութիւնն ու գրականութիւնը սկսեցին այժմ շատ զօրեղ ազդեցութիւն զործել թէ անմիջապէս և թէ միջնորդապէս՝ Ռուսաց միջոցով: Խսկ այդ ժամանակ, երբ Արևելեան հայերը դարաւոր քնից զարթնած, ԺԹ. դարու կիսից սկսած սկսեցին մեծ ագահութեամբ իրենց մէջ ընդունելարևմտեան քաղաքակրթութիւնը, ծանօթանալ նրա գրականութեան ու փիլիսոփայական աշխարհայեացքին, Արևելուտքում ամենից աւելի զօրեղ կերպով իշխող ուղղութիւնը մատերիալիզմն էր, նիւթապաշտութիւնը և նրա վրայ հիմնուած աշխարհայեացքը, որ կրօնի գերը մարդկային կեանքի մէջ բռլորովին ժիստում էր և եկած էր համարում ժամանակը չմարդկութեան երեխայական շրջանի երեակայութեան ու մտածողութեան այդ չնչին այլասեռուած մնացորդը» բոլորովին անհետացնել:


Միանգամայն բնական էր, որ հայ մտաւորականութիւնը, արևելեան այդ ուղղութեան և իւր գրականութեան հետ ծանօթանալով, ինքն էլ ընկնէր նրա զօրեղ ազդեցութեան ներքոյ և նոյն գաղափարները

սկսէր քարոզել մեր կեանքի մէջ: Եւ պէտք է ասել, որ
 նիւթապաշտութեան քարոզը մեր մէջ ևս մեծ յաջո-
 ղութիւն գտաւ: Մինչև այսօր էլ չափաղանց մեծ է
 նրա աղդեցութիւնը մեր նոր սերնդի վրայ և այդ է
 պատճառը, որ մեր մտաւորականների թէ հին և թէ
 նոր սերունդը մեծ մասամբ՝ եթէ բացարձակ թշնամի
 և հակառակորդ չէ եկեղեցուն ու կրօնին, գոնէ աշխա-
 տումէ նրանից հեռու և դէպի նա անտարբեր մնալ:
 Արդարութիւնը պահպանած լինելու համար այստեղ
 պէտք է յիշենք, որ մեր նոր մտաւորականների մէջ
 մի խումբ էլ կայ, որ աշխատում է եկեղեցական-կրօ-
 նական խնդիրներում ըստ կարելոյն մեծ աղդեցութիւն
 ձեռք բերել և այդ խնդիրները լուծել որքան կարելի
 է հակառակ եկեղեցական և կրօնական պահանջ-
 ների: Դժբախտաբար այդպիսիների նպատակն է,—և
 այդ իրենք էլ չեն ծածկում—, կրօնի և եկեղեցու աղ-
 դեցութիւնը բոլորովին թուլացնել և ոչնչացնել. իսկ
 այդ նպատակին հասնելու համար նոքա իրաւամբ կար-
 ծում են, որ ամենայաջող ճանապարհը եկեղեցական
 գործերի մէջ խառնութիւն և հակառակ եկեղեցու ոգու
 և շահի վճռելն է: Զարմանալի է միայն, ինչպէս վերևն
 էլ ակնարկեցինք, որ այդպիսիների հետ միացած է
 գիտակցարար թէ անգիտակցօրէն հայ ստորին և բար-
 ձրագոյն հոգեորականութեան մեծագոյն մասը:

Բ.

ԿՐՈՆԱԿԱՆ ՄԵԾ ՃԳՆԱՓԱՄԸ ԱՐԵՆՈՒՐԵՔ

Սակայն այն կրօնական,—զուցէ մեղ հայերիս հա-
 մար աւելի յարժար և ճիշտ լինէր ասել եկեղեցական,—
 ճգնաժամը, որի մէջ գտնուում է այսօր մեր ժողո-
 վուրդը, առանձնայատուկ չէ միայն մեղ համար, այլ



համաշխարհային և ընդհանութը է: Դրա մասին կասկածել չի կարող ոչ ոք, ով ներկայ պատմական դրութիւնը և հասարակական միջավայրն ըմբռնում է: Այդ ընդհանութը ճգնաժամի յաջող լուծումը գտնելու համար ամենից առաջ անհրաժեշտ է ըննել այն պատճառներն ու շարժառիթները, որոնք առաջ են բերել ճգնաժամը:

Հետեւելով գերմանացի յայտնի փիլիսոփայ Ռուդոլֆ Օյկենին, պէտք է ասենք, որ գերեւ յիշուած ծանր ճգնաժամը առաջ է եկել այն հանգամանքից, որ հնաւանդ սովորական մտածողութեան համաձայն գերպատմական ճշմարտութիւնը կապուել է պատմական որոշ շրջանի հետ միայն և այն միտքն է իշխող դարձել, թէ պէտք է ըստ կարելոյն ան փոփոխ պահպանել արդէն մի անգամ զտած ճշշմարտութիւնը և մնալ այն բարձրութեան վրայ, որին հասել ենք: Այդպիսով պատմութիւնը դառնում է ընականաբար ոչ թէ ճգտումն դէպի նոր ճշմարտութիւն, այլ անընդհատ վերադարձ դէպի հինը: Կրօնական ասպարիզում յատկապէս այդ հանգամանքը այն տեսակէտից մեծ նշանակութիւն ունի, որ իւրաքանչիւր կրօնի առաջին սկզբնաւորութիւնների մէջ է երկացել նրանց առանձնայատուկ էութիւնը և այդ պատճառով էլ սկզբնաւորութիւնը միշտ զլիսաւոր ուղղութիւն է տուել ամբողջ շարժմանը:

Ընդունելով սակայն այդ մտքի մէջ որոշ ճշմարտութիւն, պէտք է այնուամենայնիւ ասենք, որ հասարակական կեանքի և պատմական զարգացման շնորհիւ անհրաժեշտաբար այնպիսի փոփոխութիւններ են առաջ եկել մեր մտաւոր և հոգեւոր կեանքում, որ բոլորովին վտանգաւոր կ'լինի կրօնի համար հաշուի չառնել նրանց և մտածողութեան հին եղանակը անփոփոխ պահպանել: Դրանով մենք կապում ենք համար միակ կարևոր յաւիտենականը մի ժամանակաւոր մտածողութեան

հետ, որը մենք այսօր լնդունել այլիս չենք կարող. խեղդում ենք մեր համոզմունքը և օտար ենք դարձնում մեզ համար այն, ինչ որ ամենից աւելի մօտ է մեր զգացմունքին ու մտքին: Գլխաւոր վտանգը այստեղ սակայն այն է, որ մի տեսակ լարուած յարաբերութիւն և երկպառակութիւն է ընկնում կրօնի և մտաւոր աշխարհի մէջ և կրօնը հետզհետէ կարծես յետ է մնում և մի տարբեր աշխարհ կազմում իրեն համար: Այդ է պատճառը, որ կրօնը հեշտութեամբ երկում է մի աւելի ստոր աստիճանի քաղաքակրթական կեանքի արդիւնք, մի զուտ մարդկային ստեղծագործութիւն, որից վաղուց առաջ է անցել տիեզերական պատմական շարժումը և որը այլ ևս տեղ ունենալ չէ կարող մարդկային մտաւոր կեանքի մէջ:

Հարց կարող է լինել միայն այն, թէ արդեօք քրիստոնէութեան սկզբնաւորութիւնից յետոյ այդպիսի հիմնական փոփոխութիւններ առաջ եկել են մարդկութեան կեանքի մէջ: Սակայն այդ հարցի պատասխանը կասկած չ'կայ որ դրական է: Արդի քաղաքակրթութեան զարգացումը ոչ միայն շատ մասնակի բաներ է փոխել քրիստոնէութեան սկզբնաւորութեան շրջանի համեմատութեամբ, այլ կարելի է ասել փոփոխութեան է ենթարկել տմբողջ կեանքը: Ոչ ոքի համար կասկածելի չի կարող լինել, որ վերջին դարերը բոլորովին շուր են տուել հին ըմբռնողութիւնը լնութեան, պատմութեան, մարդու մտաւոր և հոգեսր կեանքի մասին: Բայց թողնենք ընութիւնը մի կողմ. եթէ առաջ կեանքի ներքին էութիւնը մարդկային առանձին անհատների փոխադարձ յարաբերութեան և անձնաւորութեան ներքին կեանքի մէջ էին զտնում, այժմ գրան բոլորովին հակառակ՝ ամենեին կենդրոնական նշանակութիւն չ'տալով անձնաւորութեան և իւր ներքին կեանքին, կեանքի ընդլոյնացումն են պահանջում, զտնելով այն իրական անհրաժեշտութիւնից բղխող մի անանձն պրոցեսսի մէջ,

լինի այս բնական, թէ հոգեոր և մարդկային կեանքը կապում են նրա հետ։ Հին մարդը օրինակ մի անրացատրելի պատկառանքով հոռու էր պահում իրեն տիեզերական շրջապատից. արդի մարդը ընդհակառակն ձգտում է մօտիկ յարաբերութիւն ստեղծել նրա հետ և մասնակից լինել տիեզերական կեանքին, որի մի մասնիկն է զգում ինքն իրեն։ Ներկայ պահն թէ իստական աշխարհայեացքների մէջ այս ձգտումն է, որ ճշմարտութեան տարրեր է բովանդակում իւր մէջ և այդ տեսակ մտածողութեանն է, որ հին կրօնական կապանքները շատ նեղ են գալիս։ Ահա թէ ինչից է առաջ գալիս արդի մարդկութեան մէջ բուռն տարերային ձգտումը՝ խորտակելու կրօնական հին, արդի կեանքի համար ծանր բեռ գարձած կապանքները և նրանց տեղը դնելու նորագոյն ազատ ժամանակի անկախ մտածողութիւնը։

Բայց բացի մտաւոր կեանքից, քրիստոնէութեան հիմնադրութիւնից ի վեր բոլորովին փոխուած է նաև կեանքի ձգտումն ընդհանրապէս։ Երբ որ քրիստոնէութիւնը հանդէս եկաւ, իւր առաջ գտաւ մի յոդնած և իւր կարողութիւնների վրայ կասկածող և յուսահատուած մարդկութիւն։ Այդ մարդկութեան տենչանքն էր կեանքի մի հաստատուն նկցուկ գտնել, այլ ոչ թէ ազատ շարժման ասպարէզ։ անդորրութիւն և խաղաղութիւն և ոչ թէ պայքար ու յառաջադիմութիւն։ պահովութիւն և թեթեացումն, և ոչ թէ անկախութիւն և սեպհական պատասխանատւութիւն։ Բնական էր, որ քրիստոնէութիւնը չնայելով իւր բոլոր հակառակութեանը ժամանակի պահանջներին, այդ ժամանակի բնորոշ գունաւորումն ստանար։ Այդպիսով առաջ եկաւ մի կողմից կազմակերպութիւնն ու հեղինակութիւնը՝ եկեղեցին, միւս կողմից ստորագասութիւնն ու հնագանդ բարեպաշտութիւնը՝ ժողովուրդը։ Ապա կատարումն տրուեց նաև անտեսանելի ճշմարտութիւնը

տեսանելի կերպով պատկերացնելու ձգտմանը. հրաշա-
լին, անըմբռնելին, կախարդականը իւր տեղն ստացաւ
և քրիստոնէութիւնն էլ իւր շրջապատի արևելեան բազ-
մազան կրօնների երփներանդ միստերիաների և խոր-
հրդաւոր ծիսակատարութիւնների ազդեցութեամբ, օդ-
նութեամբ և հետեղութեամբ ստեղծեց ծէս, պաշտա-
մունք, բարք և այլն. սակայն զեկաղենտական ժամա-
նակին յատուկ՝ ամբողջ կեանքին կրաւորական բնոյթ
տալով:

Մեզ յայտնի է, որ նոր ժամանակում այդ բոլորը
փոխուել է: Այժմ տիրող ձգտումն է աշխատանքի և
գործաւնէութեան զուարթ ցանկութիւնը, յառաջադի-
մութիւնը, անկախութիւնն ու պատասխանատւութեան
զգացմունքը: Բնական է միանգամայն այդ պատճառով,
որ հին և նոր տեսակի մտածողութեան մէջ կրոնֆլիկա
առաջ գայ: Մենք չենք կարող այժմ մեր նախորդների
նման յաւիտենական ճշմարտութիւնը կապել միայն մի
ժամանակամիջոցի հետ, յետագաներին վերապահելով
միայն անաղարտ պահպանելու և ընդօրինակելու իրա-
ւունքը, որովհետեւ այդ կ'լինէր ներգործականութեան
իրաւունքի ժխտումը, որից մենք հրաժարուել չենք
կարող: Այն ինչ որ մենք չենք առաջ ըերում ու ստեղ-
ծում, որը իւր գոյութեան համար ամենենին կախուած
չէ մեր վճռից, երբէք չէ կարող մեր էութեան ամբողջ
ուժը գրաւել, մեր ամբողջ մտաւոր և հոգեոր զօրու-
թեանը տիրանալ: Այդ պատճառով էլ ճշմարտութիւն
որոնողը արդի մարդու վրայ ոչ մի տպաւորութիւն չի
անում և իւր ճշմարտութիւնը ապացուցանել չէ կա-
րողանում երբէք հինը իւր կուռ, անսասան, հաստա-
տուն աշխարհայեացքով, որ մեզ միայն անցեալից մնա-
ցած անպէտք, զինը կորցրած ժառանգութիւն է երե-
ւում: Դրութիւնն այնպէս է, որ մեզ ուրիշոչինչչէ մնում
այլ ես, բայց եթէ խոստովանել, որ ժամանակի հո-
սանքն ու մարդկային յանդուզն մտքի խիզախ ըննա-

դատութիւնը խորտակել է այն ամեն ձևերն ու անօթները, որոնց մէջ մինչև այսօր մենք սովոր ենք սուրբը և յաւիտենականը ճանաչել: Խորտակուել են հին ձևերն ու անօթները, բայց յաւիտենական ճշմարտութիւնները իրենց գօրութիւնը դեռ չեն կորցրել և կարողութիւն ունին նոր ձեր մէջ կրկին մի անդամ էլ աշխարհը նուաճելու, ինչպէս հազարաւոր տարիներ առաջ: Որովհետե, ինչպէս Գեօթէն ասում է «Թող մտաւոր քաղաքակրթութիւնը միշտ յառաջադիմէ, մարդկային միտքն ընդարձակուի, որքան կամենում է. նա չի կարող երբէք գերազանցել քրիստոնէութեան վեհութիւնից և բարոյական քաղաքակրթութիւնից, ինչպէս այն փայլում է աւետարանների մէջ»: պէտք է ուրեմն միայն ժամանակաւորը հեռացնել նրանից, աւելի ճիշտ՝ հազցնել նրան մեր ժամանակի զգեստը, որպէսզի նա նորից զրաւէ մեզ մեր ամբողջ էռութեամբ:

Ծանր ճգնաժամից յաջողութեամբ դուրս գալու միակ ելքն ուրեմն այն է, որ մենք կարողութիւն ունինանք հին-քրիստոնէական անկանզնելի կերպով խորտակուած աշխարհայեացքի փոխարէն նորը կազմելարդի ժամանակի պահանջների և հասկացողութեան համաձայն: Այդ անհրաժեշտ և պատասխանատու գործը կատարելու ժամանակ մեր ամբողջ ջանքը պիտի լինի ամեն կերպ աշխատել, որ զուտ, մաքուր քրիստոնէական բարոյական գաղափարները ոչ մի վնաս չը կրեն և իրենց կենդրոնական տեղը բռնեն նաև նոր աշխարհայեացքի մէջ: Այդ նոր աշխարհայեացքի հիմքը անշուշտ պիտի լինի Յիսուսի քարոզը մարդկանց ընդհանուր եղայրութեան և Աստուծոյ որդի կանաչիներ լինելու մասին: Հինգ այդ պատճառով էլ երբէք չպէտք է ընկնենք այն սխալի մէջ, թէ կրօնն առհասարակ, ուրեմն նաև քրիստոնէականը, միայն անհատական խնդիր է, գործ ունի անհատի զգացումների հետ և նպատակն է անհատի փրկութիւնը: Այդպիսի

կարծիքը սխալ է նոյնիսկ ամենանախնական կրօնների նկատմամբ, ուր մնաց քրիստոնէութեան, որ բոլոր կրօնների զարգացման դադաթնակէան է կաղմում: Ճշմարիտէ, քրիստոնէութիւնը ամենից առաջ անհատին է դիմում և նրան սահպում հաշիւ տեսնել իւր ներքին աշխարհի հետ, իւր հոգին գտնել, որի առաջ ոչինչ է ամբողջ մարդկութեան նիւթական հարստութիւնը. բայց երբ որ մէկը արդէն իսկապէս քրիստոնեայ է դարձել, քննել է իւր ներքին աշխարհը ամեն կողմից, ճանաչել է իւրեն և գտել է իւր հոգին, նա այլ ևս միայն իրեն մասին մտածել չէ կարող, այլ իւր ամբողջ կեանքն ու զօրութիւնը ստիպուած է յօժարութեամբ դնել իւր եղբայրների փրկութեան օգտին: Այնպէս որ քրիստոնէութիւնը լոկ անհատական կրօն չէ, այլ ամենամեծ չափով ո ոց ի ալ ական, որովհնտև նրա նպատակն է Աստուծոյ արքայութիւնը՝ մարդկանց եղբայրութիւնն ու հաւասարութիւնը հաստատել երկրի վրայ: Այդպիսի վեհ և տիեզերական նպատակի իրականացման համար անհատական ոյժերը բաւական չեն. մի ընդհանուր գաղափարն անքակտելի կապերով կապում է բոլոր միատեսակ զգացող և միենոյն պահանջն ու ըմբռնումն ունեցող անձնաւորութիւններին և զէպի մի նպատակն առաջնորդում: Եւ յիրաւի, քանի քրիստոնէութիւնը դեռ ծանր պայքարի մէջ էր մի թշնամի աշխարհի հետ, նրա մէջ իշխում էր այն զաղափարը, թէ մի ընդհանուր գործ միացնում է բոլոր ոժերը և իւրաքանչիւրը իւր տեղում, սեպհական գործով առաջ է մղում կեանքի ընթացքը: Արեկելեան եկեղեցու ամենամեծ փիլիսոփան և մտաւոր դիկավարը՝ Օրիգենէսը այն կարծիքն է յայտնում, թէ Քրիստոսի մէջ առաջին անգամ սկսուեց Աստուածային և մարդկային բնութիւնների կատարեալ միացումը և այդպիսով մարդկային բնութիւնն Աստուածային դարձաւ ոչ միայն Յիսուսի, այլ նաև նոցա բոլորի մէջ, որոնք ընդունում են նրա-

նով սկսուած կեանքը: Ճշմարիտ հետեղը աչ
թէ միայն պիտի հաւատայ Քրիստոսին,
այլ ինքը պէտք է Քրիստոս դառնայ և իւր
կեանքով ու տանջանքներով ծառայէ և զ-
բայրների փրկութեան գործին: Քրիստոնէու-
թեան յաղթանակից յետոյ այդ մտածողութիւնը եկե-
ղեցական կեանքում յետ մղուեցաւ. այժմ պէտք է փո-
խուած պայմանների մէջ և այլ կերպով վերստին ա-
ռաջ բերել այն: Որովհետեւ կեանքը տանջանք է, աշ-
խարհը դառնութեան և վշտի հովիտ, իսկ քրիստո-
նէութեան բոլոր ոյժերի միահամուռ գործունէութեան
նպատակը պիտի լինի՝ վերացնել տանջանքի խայթո-
ցը մարդկային կեանքից, արցունքը սրբել բոլոր գէմ-
քերից և դառնութեան ու վշտի հովիտը՝ Աստուծոյ ու-
րախ զուարթ որդիների ընդհանուր աշխատանքով և
միմեանց գերազանցող լուրջ անձնուիրութեամբ եր-
ջանկութեան պարտէզի փոխել:

Հէնց այդ պատճառով էլ որովհետեւ մէջ տեղն
ընդհանուր նպատակ կայ և բոլոր ոյժերը պիտի միա-
նան այդ նպատակին իրազործելու համար, քրիստոնէու-
թեան համար անտարբեր բան չէ, թէ ինչպիսի մտա-
ւոր բովանդակութիւն ունի այն: Որովհետեւ միմեանց
հետ շաղկապող ամենազօրեղ օղակը մտաւոր կապն է,
որը զգացմունքի հետ միանալով արդէն բոլորովին ան-
քակտելի է գառնում: Իսկ այդպիսի, ընդհանուրին
միացնող մտաւոր կապը չի կարող լինել ի հարկէ հին
ժամանակի անցած գնացած աշխարհայեացքը, այլ պի-
տի լինի բնականաբար նորագոյն ժամանակի գիտական
ըմբռնումը տիկեղքի, Աստուծոյ և մարդու մասին:
Քրիստոնէութիւնը ուրեմն մտաւոր կրօն է. այդպիս
է եղել նա միշտ. ապացոյց, որ նա շփման մէջ է մտել
բոլոր մտաւոր շարժումների հետ և իրեն համար պէտ-
քականը վերցրել նոցա միջից: Այժմ էլ մենք պէտք է
նրա այդ բնաւորութիւնը ամեն կերպ պահենք, որով-

հետև առանց դորա նա իւր զօրութիւնը կ'կորցնէ և ոչ
թէ ընդհանուրի կրօն կ'դառնայ, այլ ճգնաւորների կամ
իրենց անհատական փրկութեան ետեից ընկած անձ-
նաւորութիւնների, որ ոչ Աստծուն հաճելի լինել կա-
րող է ոչ էլ մարդկանց է օգտաւէտ: Մենք չենք կարող
երբէք անուշադիր թողնել այն հանգամանքը, որ քրիս-
տոնէութիւնը քաղաքակրթութեան ամենազգլ-
խաւոր գործոնների միմեանց հետ ունեցած փոխազարձ
յարաբերութիւնից: Մի կողմից՝ արտաքին պաշտա-
մունքների և փիլիսոփայական վարդապետութիւնների
հետ ունեցած անընդհատ բաղխմամբ ու մրցմամբ, միւս
կողմից՝ հէնց քրիստոնէական համայնքների իրենց մէջ
մզուած մի ներքին կոռուպվ ու պայքարով սնուել է ու
զօրացել քրիստոնէութիւնը: Եւ միայն այդ պատճառով
էլ կարողացել է տիրել ամբողջ քաղաքակիրթ աշխար-
հին: Եթէ նա պիտի իւր զօրութիւնը պահպանէ և նակ
արդի քաղաքակրթութեան ամենաուժեղ գործոնը
լինի, չի կարող հրաժարուել իւր քաղաքակրթութեան
կրօն լինելու բնաւորութիւնից: Քրիստոնէական նոր
աշխարհայեցքը պէտք է այդ բոլոր բաներն ի նկատի
ունենայ և ըստ այնմ էլ կազմուի, որպէսզի միատեսակ
մտաւոր աշխարհայեցքով և դէպի միենոյն նպատակը
ձգող քաղաքակրթական կեանքով միմեանց հետ ան-
բաժանելի կերպով միացնէ քրիստոնեայ համայնքի բո-
լոր անդամնի՛ ըին:

Ա/զպէս վարուելով՝ յաւիտենականութեան բնո-
րոշ նշանն այլ կս չի լինի անշարժութիւնը ժամանա-
կի փոփոխութիւնների հանդէպ, այլ այն ընդունակու-
թիւնը, որ նա ժամանակի բազմազանութեան մէջ իրեն
չի կորցնում, այլ ընդհակառակն ապացուցանում է իւր
գերակշիռ ոյժը՝ ազատ ելով ժամանակ պուտ

ժամանակաւորից: Անշղուշտ անհնարին կը լինի
այդ դէպքում ուշք դարձնել մանրամասնութիւնների
վրայ և կրօնական կեանքը բնականաբար կը դառնայ
անմիջական և պարզ: Միայն այն, ինչ որ էական
է և կարեոր, պիտի անմիջական կեանք դառնայ
և իւր գործունէութիւնը աղատ կերպով ծաւալէ,
առանց երկրորդականի և մասնաւորի հետ խառ-
նուելու կամ կապուելու: Հէնց այս տեսակէտից
է, որ քրիստոնէութեան մէջ ծանր հակասութիւններ
են առաջ եկել: Հակասութիւններ, որոնք հիմնաւորուած
են թէ նրա բնութեամբ և թէ պատմութեամբ: Այն,
ինչ որ մի ժամանակ բոլորին հասկանալի և մինչեւ
անգամ անհրաժեշտ է եղել, այսօր մեզ համար բոլորու-
վին օտար է և անըմբռնելի: Այդ նկատելի է թէ դա-
ւանութեան, թէ պաշտամունքի ու ծիսակատարու-
թեան և թէ առհասարակ քրիստոնէական սովորույթի
մէջ: Մեր նպատակը պիտի լինի այդ պատճառով պայ-
քար՝ աւելի մեծ պարզութիւն և անմիջականութիւն
ձեռք բերելու կրօնի մէջ, զլխաւորն ու երկրորդականը
աւելի որոշ կերպով տարբերելու միմիանցից, աղա-
տուելու քրիստոնէութեան մէջ մտած օտար և այժմ
բոլորովին աւելորդ աղդեցութիւններից և այլն:

Միայն այդ հիմնական ճանապարհով հնարաւոր է
կրօնական ընդհաննուր ճգնաժամի յաջող լուծումը.
որովհետեւ հին և նոր աշխարհայեացքների հակադրու-
թիւնն այնքան խորն է արդէն, որ մոդեռն մարդու
մէջ դէպի քրիստոնէական կրօնը կենդանի հետաքրքրու-
թիւն առաջ բերել կարելի է միայն հինը, անցած-գը-
նացածը մերժելով և նոր ժամանակի համար նշանա-
կութիւն ունեցողը պահպանելով: Իսկ եթէ մենք միա-
մտութիւն ունենանք արդի և դարսու մարդուն իրեւ
քրիստոնէութիւն հրամցնել ներկայ այլասեռուած ե-
կեղեցին իւր մէջ կատարուած ծէսերով ու արարողու-
թիւններով, նուիրապետութեամբ ու դոդմաններով, վա-

նական ու կրօնաւորական կեանքով և անապատական խարազնագեստ ճգնաւորներով, եկեղեցական հայրերի ճառերով ու շարականներով, «այն ժամանակ մողեռն մարդը մօղայից ընկած շորի նման դէն կը ձգի այդ կրօնը»։ այն ժամանակ նա իրաւունք կունենայ կրօնը համարելու «խորտակուած և ոչնչացած կամ ոչնչանալու դատապարտուած, մարդկութեան նախնական շրջանի մանկական երևակայութիւն ու սխալ մտածողութեան մնտցորդ», որ գիտութեան շնորհիւ պիտի անպատճառ վերանայ աշխարհից։

Սակայն այդ համողումը բոլորովին անհիմ է և սխալ։ և եթէ մենք մի կողմից գտնւում ենք կրօնական մի ծանր ճգնաժամի շրջանում, միւս կողմից էլ չենք կարող չը նկատել, որ կրօնական հետաքրքրութիւնը հէնց մեր օրերում աւելանում է մարդկութեան մէջ և կրօնական պրոբլեմը դառնում է ամենուրեք լուրջ խորհրդածութեան առարկայ։ Դրան ապացոյց են այն բազմաթիւ գեղարուեստական լուրջ փիլիսոփայական գրուածքները, որ ամեն տարի լոյս են տեսնում արտասահմանում և Ծուսաստանում և որոնց նիւթն է կրօնական պրոբլեմը և նրա լուծումը։ Այնպէս որ մենք կատարեալ իրաւունք ունենք հանդուցեալ ֆրիդրիխ Պաուլսենի հետ պնդելու, թէ հակառակ այն երկպառակութեան, որ կայ արդի գիտութեան, և յատկապէս ընագիտութեան և հայրերից մեզ աւանդութիւն մնացած քրիստոնէական կրօնի զանազան երևոյթների մէջ, կրօնի դիրքը և հաւատի գերը այնուամենայնիւ չէ կարելի խախտուած և վերջացած համարել, այլ հնարաւոր է այն վերականգնել՝ յաւիտենականը որոշելով ժամանակաւորից։ «Այնուամենայնիւ հաւատը մնում է կենդանի և մինչև անգամ ապացուցանում է կրկին ու կրկին, որ ինքն է բոլոր պատմական կենսական զօրութիւնների մէջ ամենաուժեղը։ Առանց հաւատի դէպի բարին, ինչ կերպ կուզէ արտայայտուի այն՝ իրեւ

հաւատ առ Աստուած և նախախնամութիւն, հաւատ դէպի յառաջադիմութիւն և զարգացում, դէպի ճշմարտութիւնն ու արդարութիւնը և նրանց անհրաժեշտ յաղթանակը, —ոչինչ մեծ և յարատել բան դեռ չէ ստեղծուել: Եթէ նա չէ կարող իւր առարկայի իրականութիւնը ապացուցանում է, որ ինքն իրական է: Ոչ մի կասկած չը կայ, որ հաւատն է եղել և ոչ թէ գիտութիւնը մինչև այժմ, ամբողջ պատմութեան ընթացքում սարեր տեղափոխողը, արգելքների սարերը, որ իւրաքանչիւր գաղափարի իրականացման հանդէպ են կանգնած: Մարդկութեան կեանքի մէջ առաջ եկած ըոլոր մեծ շարժումները կրօնական ոկզբնաւորութիւն ունին. պատմութեան մեծ ղեկավարներին անդիմազրելի զօրութիւն պարզեցը այն հաւատն է եղել, որ նոքա Աստուծոյ գործն են առաջ տանում և Աստուած նրանց հետ է: Եւ մենք ոչ մի պատճառ չունինք ընդունելու, որ ապագայում ուրիշ կերպ պիտի լինի: Հաւատը կորոշէ մարդկութեան ճակատագիրը գալիք դարերում էլ ճիշտ այնպէս, ինչպէս և անցեալներում. հաւատը դէպի ապագան ու բարու և արդարութեան վերջնական յաղթանակը»:

Գ.

ՀԱՅՈՑ ԵԿԵՂԵՑԻՆ ԿՐՈՆԱԿԱՆ ՄԵԾ ՇԳՆԱԺԱՄԻ ՀԱԵԳԼՊ

Սոսկումն է պատում մարդու, երբ հայեացը ընդհանուր քրիստոնէական աշխարհում մղուող ալդ ծանր պայքարից գարձնում է դէպի քրիստոնէութեան այն փոքրիկ հատուածը, որ Հայոց եկեղեցի է կոչւում: Ի՞նչ ենք տեսնում այստեղ: Որչափ էլ մեզնում դեռ ևս չափազանց պակաս է կրթութիւնն ու կրօնական ծանր պրոբլեմի մասին մտածելու ընդունակութիւնը, բայց

Նոյն առանձնայատկութիւններն ու հակասութիւնները, նոյն պայքարը հնի և նորի մէջ հետզհետէ աւելի նկատելի և արդէն իսկ սպառնալից է գառնում: Եւ ողբալին այստեղ այն է, որ նոյն իսկ ուղղութիւնները չեն հասկացւում, ինչպէս որ այդ յատուկ է բոլոր կիսակիրթ, քնից յանկարծ զարթնած աղզերին: Մեզնում էլ սովորութիւն է դարձել Հայոց հոգեորականութիւնը բաժանել երկու մեծ կուսակցութեան, կնքելով նրանց աղատամիտ կամ պահպանողական անուններով: Բայց այս դէպքում առաջնորդուել են բոլորովին կողմանակի գիտումներով և հիմնուել են այնպիսի բաների վրայ, որոնք բացարձակապէս ոչ մի կապ չունին յառաջադիմականութեան կամ պահպանողականութեան հետ: Այստեղ զեր են կատարել և անձնական բարեկամութիւն, և շահ և կուսակցական կուրութիւն: բացակայել է միայն առողջ դատողութիւնը և ինդրի էութիւնը քննելու և ըմբռնելու կարողութիւնը: Դրա անմիջական հետեւանքն այն է եղել, որ մեր կեանքում իսկական աղատամիտներն ու նորագոյն մտածողութեան ներկայացուցիչները համարուել են յետադէմ և պահպանողական, իսկ հնի և նորի մասին հասկացողութիւն անդամ չունեցողները կամ մինչև իսկ ձեռագրերի մէջ եղած սխալներով երգուողներն ու նրանց անփոփոխ պահել ցանկացողները համարուել են աղատամիտ և յառաջադէմ, այդ տիտղոսը կրող լրագրերի հետ անհասկանալի թիւրիմացութեամբ ունեցած բարեկամութեան համար միայն: Այդպիսով յետ են մղուել հասկացող, հիմնական բարեկացութիւնների և Հայոց եկեղեցու ազգային ժողովրդական վերածնութեան անշարժութեան, հնաւանդ սուրբ սխալների և երանելի անբռնվանդակ անդորրութեան ներկայացուցիչները:

Մի կողմից հնի և նորի թշնամութիւնը, միւս

կողմից մեզնում արդէն ծայրայեղութիւնների հասած անհասկացողութիւնը կրօնական պրոբլեմի և հոգեորականութեան գերի մասին ապա այնտեղ հասցրին, որ մի ժամանակ գուցէ ներքին ոգեստութեամբ և Հայոց եկեղեցու վերածնութեան սրբազն գործին ծառայելու եռանդով կուսակրօն հոգեորականութեան ծանր լուծն իրենց վրայ առնող երիտասարդ ոյժերը հիասթափուեցան և յուսախար եղան, դժուարանալով այլևս մնալ այն ասպարիզում, ուր ամեն բան կայ, բացի որեիցէ մխիթարութիւնից. այն շրջանի մէջ, որի ներկայացուցիչները մեզնում անհասկանալի կերպով և յանդուզն սանձարձակութեամբ արհամարհանքի և ծաղրի առարկայ լինել կարող են, չնայելով իրենց բարձրագոյն կրթութեան, և անձնական շահերի յետելից ընկած, չը նայելով որ թողել են ամեն անձնական բարիք, մի իրենց տեսակէտով սուրբ նպատակի ծառայելու համար: Եւ այս բոլորն այնպիսիների կողմից, որոնք կրթութեան հոտն հազիւ թէ տոել են և իրենք իսկապէս ուրիշ ոչնչի չեն ծառայում, չնայելով բոլոր փքուն խօսքերին, բայց եթէ անհատական օգտին ու սեպհական բարօրութեանը:

Հայկական կիսակրթութեան այդպիսի վերաբերմունքի պատճառով է նաև մասամբ, որ այժմ ոչ միայն քրիստոնէական կրօնը վերև նկարագրած իմաստով, այլ նաև յատկապէս Հայ հոգեորականութիւնը գտնւում է մի ծանր ճգնաժամի մէջ. այնպիսի ճգնաժամ, որից դուրս գալ հնարաւոր է միայն հասկացող տարրերի աշալուրջ և սրտացաւ բարեացակամութեամբ ու օգնութեամբ: Ի՞նչ է այս ըովէիս Հայոց ամբողջ հոգեորականութեան զրութիւնը: Այդ մասին գրքոյկիս սկզբում արդէն խօսք եղաւ, բայց այստեղ կամենում ենք խնդիրը շոշափել սկզբունքի տեսակէտից:

Իւրաքանչիւր եկեղեցական կեամքով հետաքրքրուողի և հոգեորականութեան դերն ու նշանակու-

թիւնը փոքր ի շատէ ուղիղ ըմբռնողի համար պարզ
պէտք է լինի միանդամայն, որ հոգեորականու-
թիւնը այն մտքով պաշտօնէութիւնչէ և չը
պիտի լինի, ինչպէս հասկացւումէ այն մե-
զանում և է իրականութեան մէջ։ Խսկապէս
ասած՝ քրիստոնէական կրօնի մէջ չը պէտք է լինի իբրև
առանձին դասակարգ, առանձին գործունէութեամբ
հոգեորականութիւն։ Որովհետև հոգեորականի կամ քա-
հանայի գաղափարը յատուի է այն բոլոր կրօններին,
որոնց հասկացողութեամբ մարդը որևէ է Աստուծոյ մօ-
տենալ և անմիջական հաղորդակցութեան մէջ մտնել
նրա հետ անկարող է, առանց միջնորդի։ Այդ միջնոր-
դը հոգեորականն է կամ քահանան, որի պարտակա-
նութիւնն է գիտենալ, թէ ինչպիսի միջոցներով ու
գործողութիւններով կարելի է այս կամ այն Աստծուն
լաւ տրամադրել գէպի մի անձնաւորութիւն կամ գործ։
Հէնց այդ հասկացողութիւնից էլ բղխում է զոհի կամ
պատարագի անհրաժեշտութիւնը, որ մի ընդարձակ
գործողութիւն էր և ամեն ոք իմանալ ու կատարել
անկարող էր։ Դրա համար էլ քահանայի և զոհի գա-
ղափարները միշտ միանում են։ Սակայն քրիստոնէու-
թեան մէջ այդ բոլոր խնդիրներն ինքն ըստ ինքեան
վերացած են։ Այստեղ իւրաքանչիւր ոք, ամեն
առանձին անհատ նոյնքան մօտ է իւր Աստ-
ծուն, որքան միւսը և կարիք չունի ոչ մի
միջնորդի։ Նա կարող է միշտ անմիջական յարա-
բերութեան մէջ մտնել իւր Աստծոյ հետ, և դրա հա-
մար ոչ զոհ է պէտք և ոչ քահանայ։ Խսկ եթէ այժմ
բոլոր քրիստոնէական եկեղեցիներում, ուրեմն նաև
մեղնում հոգեոր զինուորութիւն՝ քահանայութիւն կայ,
այդ ոչ թէ իդէալ պէտք է համարել, քրիստոնէական
հասկացողութեամբ անկումն այն իդէալից, գէպի որը
վերադառնալ անհրաժեշտ է։ Շատ հեռու կը տանի
մեզ պարզել, թէ ինչպէս է եղել ինչպիսի ազգեցու-

թիւններով է անհրաժեշտաբար առաջ եկել այնուամենայնիւ այս ձեի հոգեորականութիւնը քրիստոնէական եկեղեցու մէջ. Դրա համար մենք ստիպուած պիտի լինէինք ամբողջ եկեղեցական վարչական կազմակերպութեան ծագումը նկարագրել, որ անհնարին է այստեղ և կարենոր էլ չէ: Յիշենք միայն այն չափազանց բնորոշ փաստը, որ հին եկեղեցում, Ա. Բ. և Գ. դարերում քրիստոնեաները պարծենում էին իրենց «ընդհանուր քահանայութեան» գաղափարով, որ յիրաւի տարբերում էր նոր կրօնը բոլոր հներից: Բայց գլխաւոր ինդիրը այստեղ մեղ համար այն չէ, թէ ինչպէս է առաջ եկել մի հաստատութիւն, այլ աւելի այն, թէ կարենոր է նա այսօր էլ. և եթէ այն, արդեօք այն ձեւով ինչպէս որ կայ, թէ հիմնական փոփոխութիւններ են պէտք:

Մենք արգէն ասացինք, որ զուտ քրիստոնէական սկզբունքով առանձին քահանայական դաստիարգ պէտք չէ և գոյութիւնը պէտք է ունենայ, որովհետև Ցիսուս Քրիստոսի շնորհիւ ամեն քրիստոնեայ առանց որեւէ միջնորդի յարաբերութեան մէջ կարող է մտնել իւր Աստուծոյ հետ. ուրեմն միայն ընդհանուր քահանայութեան սկզբունքն է ճշմարիթը քրիստոնէութեան համար: Եթէ այդպէս է, և այդ մասին կասկած լինել կարող չէ, այժմեան ամբողջ հոգեորականութիւնը միայն մի կոչում և նպատակ կարող է ունենալ. այն է՝ իրրե վարդապետ և աւետարանի քարոզիչ, կրթիւ և զարգացնել իրեն ինամքին յանձնուած ժողովրդին այնպէս և այն ուղղութեամբ, որ ինքը՝ հոգեուրականութիւնը, ինչպէս որ կայ այժմ, աւելորդ դառնայ ապագայում: Այդ է ամենազլիսուրը և մեր բոլորիս նպատակը պիտի լինի այդ գործի համար աշխատել ոյժերի չափով:

Այստեղ արգէն շոշափում ենք Հայոց եկեղեցու ամենավիրաւոր տեղը, Ընդունակ է արդեօք մեր այժ-

մեան հոգեորականութիւնը այդպիսի նպատակ ըմբռ-
նելու և նրա համար աշխատելու։ Պատասխանը բոլո-
րիս համար պարզ կերպով բացասական կ'լինի, եթէ
մտածենք, թէ ինչ է հարկաւոր այդ բանի համար ա-
մենից առաջ։ Դիտութիւն քրիստոնէական կրօնի հիմ-
նական սկզբունքների, պատմութեան, ներկայ աշխար-
հայեացքի ևայլն։ Իսկ նվկ կ'պնդէ, որ այդ բոլորը Հա-
յոց հոգեորականութեան մէջ—անհատների մասին չէ
խօսքը—ամենաչնչին չափերով անգամ տարածուած է։
Այն ինչ պարզ է, որ պատմական գարգացման շնորհիւ
առաջ եկած հայեացքներն ու հիմնարկութիւնները միայն
այն ժամանակ կարող են յաղթահարուել և ասպարէղից
դուրս ենել, երբ ամենի համար որոշ կլինի, թէ ինչ-
պէս, ինչ պատճառով և ազգեցութեամբ են առաջ եկել
նոքա և իրենց ժամանակի որ պահանջին են բաւա-
րութիւն տուել։ Մի խօսքով՝ քրիստոնէութեան պատ-
մութեան ուսումնասիրութիւնն է միայն, որ իւրաքան-
չիւրին յիրաւի ազատ կացուցանել կարող է անցեալի
աւանդական կաշկանդումներից և միենոյն ժամանակ
ցոյց տալ կողմնակի կերպով, որ ամեն շրջան իւր պա-
հանջներն ունի, որոնց բաւարարութիւն տալը պատ-
մական անհրաժեշտութիւն է։

Մեր հոգեորականների մէջ էլ «զարգացած», «յա-
ռաջադէմ» մարդիկ շատ կան, որոնք ամեն բանի մա-
սին գրում են, խօսում. բայց հարցը այդպիսի մէկին
Քրիստոսի մասին, էլ չեմ ասում եկեղեցու պատմու-
թիւնից, և դուք կ'տեսնէք, թէ ինչպիսի յուսահատա-
կան խնդրի առաջ էք կանգնած։ Հայոց հոգեորակա-
նութեան մեծագոյն մասը տգէտ է բացարձակաբար.
հասկացողութիւն չունի ոչ քրիստոնէական կրօնի և ոչ
էլ եկեղեցու մասին. իսկ եղած «գիտուններն» էլ չա-
փաղանց մողեռն են՝ կրօնական և եկեղեցական պատ-
մական ու կինսական խնդիրներով հետաքրքրուելու
համար։ Հոգեորականութիւնը նրա համար կոչում չէ,

այլ միայն հաց մատակարարող պաշտօն։ Ոչ ոքի համար կասկածելի չէ, որ այդ մեծ ցաւին դարման անել է պէտք և զրա համար կոչուած է եկեղեցու առաջնորդական իշխանութիւնը՝ եպիսկոպոսութիւնը, հայրապետով մէկտեղ։

Ցաւելով պէտք է սակայն այստեղ արձանագրենք այն հաստատուն իրողութիւնը, որ մեր եկեղեցու եպիսկոպոսական գան ևս, ոչչով աւելի չլինելով քահանայութիւնից, ընդհակառակն գիտութեամբ և անգիտութեամբ աւելի ևս ծանրացրել է դրութիւնը, բազմացնելով տգէտ հոգեւորականների թիւը, առանց խղճի որ և է խայթ զգալու, Եւ այսօր ինքն ևս գտնւում է մի այնպիսի դատապարտելի անհետաքրքրութեան և անտարքերութեան մէջ գէպի կրօնական-եկեղեցական ամենահարեւոր կենսական ինդիրները, որի ներկայացուցիչն ու ղեկավարը լինելու բարձր պատիւն ունի կուն ու անդործ նստելը այլ ևս ծանր յանցանը է թէ հայ ժողովրդի ու հայ եկեղեցու, թէ սեպհական խղճի ու կրօնական ամենասրբազան պարտականութեան առաջ, որովհետեւ Հայոց եկեղեցին արդէն այնտեղ է հասել, այնպիսի ողբալի զրութեան մէջ է, որից մի քայլ այն կողմը կատարեալ քայքայումն ու կործանումն է. քայլ Հայոց բարձրագոյն հոգեւորականութիւնը լուռ է և անգործ, որովհետեւ նա անընդունակ է գործի, նրա ոյժերն սպառուած են, նրան ոգեւորողն ու գէպի ընդհանուր գործ մղողը Ցիսուսի աւետարանն ու ժողովրդի վիշտը չէ, որովհետեւ նա քայքայուած է, կազմալուծուած և զգացմունքով ու մտքով բարացած։ Կամ գուցէ կարծում են, թէ ամեն պարտականութիւն ամենայն ձշութեամբ կատարուած է, երբ առաջնորդը կոնսիստորիայի գործերն է այս կամ այն կերպ վարել Սինոդականը՝ Սինոդինը, վարդապետը՝ Հոգեոր կառավարութեանը և այլն։ Այդ արդէն այնպիսի կուրութիւն

կ'լինէր, որի համար կ'մնար մեզ միայն Հայոց եկեղեցու վերջնական անդառնալի անկումը ողբալ:

Մեղնում առհասարակ ոչ մի բանի առաջ կանգ չեն առնում եպիսկոպոսական աստիճան ձեռք բերելու համար, լինի փող, լինի ինտրիգ, միայն թէ ցանկացած աստիճանին հասնեն. բայց ովկ է մտածում, թէ այդ աստիճանի հետ պարտաւորութիւններ էլ կան կատարելու և դրանով մի ծանր պատասխանատւութիւն են վերցնում իրենց վրայ, որի համար հաշիւ պիտի տան գոնէ իրենց խղճի առաջ:

Ով որ ձգտում է և եկեղեցու տեսուչ, եպիսկոպոս է գառնում, նա պիտի կարողութիւն ունենայ ըմբընելու ամբողջ ժամանակաշրջանի ոգին ու ուղղութիւնը, պիտի հասկանայ թէ ուր է գնում ընդհանուր շարժումը, և իրեն յանձնուած նաւի զեկն այնպէս ուղղէ, որ խաղալիկ չ'դառնալով ժամանակի տարուրեր վաղանցիկ հոսանքներին, իւրաքանչիւր նոր շարժման և հանրամարդկային զարգացման աստիճանների արդիւնքները բեղմնաւոր դարձնէ կրօնական եկեղեցական կեանքի համար, նրանց օգտաւէտ և զօրեղ կողմերը կրօնական աշխարհայեացքին յարմարեցնելով:

Քրիստոնէական ամենամեծ զօրութեան և յաղթանակի նշանը իւր ամբողջ պատմութեան ընթացքում եղել է այդ զարմանալի ընդունակութիւնը. նա կարողացել է ընդառաջ զնալ բոլոր իրենից յետոյ սկսուող մտաւոր շարժումներին, նրանց էական և առողջ գծերը իւր մէջ է առել և այդպիսով աւելորդ դարձել բոլոր նոր ուղղութիւնները, ասպարիզի վրայ մնալով միակ յաղթականը: Եւ իւրաքանչիւր մտաւոր շարժման ոյժը, եթէ նա արդէն քարացած դաւանանք չէ դարձել, այդ ճկունութեան և յարաշարժութեան մէջ պէտք է տեսնել:

Կայ այդպիսի յարաշարժութեան ու ճկունութեան ընդունակութիւն մեր այժմեան կրօնական կեանքի մէջ:

Մինչեւ այժմ՝ նկարագրածներից յետոյ այդ հարցը տալիս անգամ աւելորդ է, որովհետև այդյատկութիւնները ամենազօրեղ կենսունակութեան և կենդանութեան նշանաներն են. իսկ մեր կրօնական կեանքը, որ ամփոփուած է մեր եկեղեցու մէջ, համարեա մեռած է բոլորովին, չնայելով արտաքին բոլոր հանդիսաւորութեան ուղանգահարութեան: Պէտք է մտածել այդ խնդրի մասին, գտնել այդպիսի դրութեան պատճառները և միջոցներ ձեռք առնել նոր կեանք և վերածնութիւն տուած բերելու մեր եկեղեցում, եթէնայիրաւի թանգագին է մեղ համար: Իսկ ումէկվայելէ ամենից աւելի այդ գրութեան մասին մտածել, և ում պարտականութիւնն է հաստատութիւնը կործանումից ազատելու միջոցների մասին հոգալ, եթէ ոչ եկեղեցու զեկավար եպիսկոպոսական դասի, և առհասարակ բարձրագոյն հոգեորականութեան: Շատ ծանր է իհարկէ այն պարտականութիւնը, որ մեր ժամանակի բնորոշ հանգամանքները գրել են մեզ վրայ, բայց այդ պարտականութիւնից խոյս տալ հանդիսատ խղճով մենք չենք կարող, որովհետև այսպիսի հանգամանքներում լուրջ գործի մասին չ'մտածելը և հանդիսանըստելն ու անպէտք թղթեր ստորագրելով բաւականանալը արդէն մեծ դաւաճանութիւն է դէպի եկեղեցին և կոչման ու պարտաւորութեան գիտակցութիւնը:

Եթէ Հայոց եկեղեցին պէտք է շարունակէ իւր գոյսութիւնը, պէտք է կարողանայ ազգեցութիւն ձեռք բերել ժողովրդի վրայ և նրան կրթել ու դաստիարակել, զրա համար ամենից առաջ մեր եկեղեցու Հայրապետութիւնը պիտի աշխատէ նոր հոգեորականանութիւնը» ու փրուն խոստումները ոչ մի արժէք չունեն և ապացոյց են միայն այն սոսկալի ներքին դատարկութեան ու անբովանդակութեան, որ տիրող է մեղնում: Ի՞նչպէս և ի՞նչ ուղղութեամբ պիտի պատրաստուի մեր պահանջած նոր հոգեորականութիւնը.

ահա մի հարց, որի յաջող լուծումը որքան և դժուարութիւնների հետ կապուած, այնուամենայնիւ անհնարին չէր լինի, եթէ գործի գլուխը կանգնած լինէր մի շըրջահայեաց, ընդարձակ աշխարհայեացքի տէր, ներկայ գիտութեանն ու փիլիսոփայութեան եղբակացութիւններին բաջ ծանօթ, կրօնի պատմութիւնը, փիլիսոփայութիւնն ու էութիւնը լաւ ըմբռնող մի անձնաւորութիւն: Կարելի էր գոհ լինել նաև նրանով, որ իշխանութիւն և պարտականութիւն ունեցողը՝ գործի բաշէր վերև յիշած կարեռը պատրաստութիւնն ունեցող մարդկանց և թոյլ տար նրանց անարգել աշխատելու այդ անհրաժեշտ նպատակի օգտին: Միայն այդ միջոցով կարելի է հայ հոգեորականութեան ու ժողովրդի վրայ ծանրացած մտաւոր խաւարը փարատել, մեր կիսակիրթ իստելիգենցիայի գլխից խառնաշփոթութիւնը վանել և նրա մէջ նոր շարժումն՝ յեղաշրջումն առաջ բերել: Եթէ մի եկեղեցու մէջ տիրող չէ իսկական գիտութիւնը, լայն աշխարհայեացքը և կրօնի ու բնագիտութեան սահմաններն իրար հետ չ'շփոթող ըմբռնումը, այնտեղ փրկութիւն որոնելը իզուր ցնորք է: Որովհետեւ ժամանակի գիտութիւնից հեռու լինելը ամենամեծ վտանգն է եկեղեց ու համար: Այդ պատճառով էլ շատ անմիտ և երկչուր քաղաքականութեան է հետևում ամենայն եկեղեցին, ուրեմն և մերը, երբ նա զիջողաբար է վերաբերում գէպի մնութիապաշտութիւնն ու մնահաւատութիւնը, այն ինչ շատ խիստ է լուրջ քննադատութեան և ուսումնասիրութեան նկատմամբ: Հէնց այդպիսի բանական երկչուրութիւնն է եկեղեցու անկեման ամենագլխաւոր պատճառներից մէկը: Եթէ այդ ուղիղ է, որ անկասկած է, ուրեմն մեր եկեղեցու նոր հոգեութական ութիւնը պիտի օժտուած լինի նոր բագոյն գիտութեամբ և աղատ ըրիստոնէական աշխարհայեացքով, որպէսզի կարողանայ յաջողութեամբ կատարել իւր գործը:

Այստեղ հասնում ենք արդէն մեզ հիտաքրքրող հարցի բուն էութեանը: Կարո՞ղ է մեր եկեղեցին արդի զիտութեամբ ճոխացած հոգեւորականութիւն ունենալ, քանի որ նա իւր վրայից դէն չի ձգել անցեալի այն մնացորդները, որոնք մինչև այսօր էլ դեր են կատարում մեր եկեղեցական կեանքում, թէեւ, իսկապէս ասած, Նրանց նշանակութիւնը բոլորովին կորել է և կամ այժմ ոչ ոքի համար հասկանալի չէ: Այդ հարցի մասին երկու կարծիք լինել կարող չէ: Կրթուած, ժամանակակից գիտութեան ծանօթ մարզը այն ժամանակ միայն հոգեւորական կարող է դառնալ, երբ եկեղեցու մէջ ոչինչ չգտնի այդ գիտութեան հակառակ, ուրիշ խօսքով՝ ամեն ինչ համապատասխան լինի իւր մեծ չարչարանքով ձեռք բերած համոզումներին: Բացի այդ՝ իրապէս անբովանդակ ու միայն անցեալի աւանդական, այժմ անիմաստ, կարգերով ու ըմբռնումներով ապրող հաստատութիւնը չի կարող զօրեղ հետաքրքրութիւն շարժել և դէպի ինքը ձգել ժամանակակից կրթուած մարդուն:

Այդ կրիտիկական դրութիւնից գուրս գալու համար ըննենք ուրեմն, թէ մեր եկեղեցական կեանքի մէջ որ կողմերն անդառնալի կերպով հնացած են և համառոտ կերպով մատնացոյց անենք այն ուղին, որով պէտք է այսուհետև ընթանալ մեր կարծիքով:

Քրիստոնէական կեանքի չորս գլխաւոր կողմերն են՝ աշխարհայիացք և դաւանանք, պաշտամունք, վարչական կազմակերպութիւն և սովորոյթ: Վերջինի մասին խօսելն աւելորդ ենք համարում, որովհետեւ միւսների նկատմամբ նա երկրորդական է—թէև շատ անգամ աւելի դիմացկուն և ճկուն—և նոցա հետ էլ բնականարար փոփոխութեան է ենթարկւում: Խօսենք ուրեմն գլխաւորների մասին:

Դ.

ԵԿԵՂԵՑԱԿԱԾՆ ԳՈՒԱՆԱՆՔԸ

Ամենից առաջ բըիստոնէական եկեղեցու դաւանանքը:

Ում համար այսօր կասկածելի է, որ կրթուածներից շատ շատերին յետ մղողը մեր կրօնից ու եկեղեցուց այդ դաւանանքն է. և մենք ստիպուած ենք խոստովանել, որ այդպիսի կրթուածները մեծ մասամբ իրաւունք ունեն: Նրանք տեսնում են այստեղ իրենց առաջ շատ կողմերով մի բոլորովին օտար, անըմբոնելի աշխարհ, որ յաւակնութիւն ունի միենոյն ժամանակ ընդ միշտ իբրև յաւիտենական ճշմարտութիւն ճանաչուելու, բոլորի համար պարտադիր. մի ճշմարտութիւն, որից շեղուողները նզովքի են արժանանում: Բայց այդ դաւանանքը կամ հաւատոյ հանգանակը կազմուել է սկսած Բ. գարուց Քրիստոսից յետոյ և իւր վերջնական կատարելութիւնն է կրել հիմնական գծերով Դ. և Ե. գարերի ընթացքում: Փիլիսոփայութիւն և քրիստոնէական եկեղեցու պատմութիւնն ուսումնասիրողի համար միանգամայն պարզ է, թէ ինչպէս է առաջ ռկել այդ դաւանանքը, ինչպիսի աշխարհայեցքի և պայքարի արդիւնք է այն:

Երբ Յիսուսի աշխարհաներն իրենց վարդապետի պարզ քարոզը սկսեցին տարածել ամբողջ Հռովմէական պետութեան մէջ և ամեն տեղ սկսեցին քրիստոնէական համայնքներ կազմուել, ոչ ոքի մտքով չէր անցնում դեռ ևս յարմարուել աշխարհի պահանջներին, որովհետեւ բոլոր քրիստոնեաներն անհամբեր սպասում էին Տիրոջ երկրորդ գալստեանն հէնց իրենց օրով: Բայց սերունդ սերնդի վրայ անյայտացան երկրի երեսից ու Տէրը երկրորդ անգամ չեկաւ: Այն ժամանակ քրիստոնէութիւնն ստիպուած զգաց իրեն յարմարուելու աշ-

խարհի պահանջներին և նրա բարիքների ու իրական հանգամանքների նկատմամբ որոշ դիրք բռնելու։ Քանի տարածւում էր քրիստոնէութիւնը, այնքան աւելի ծանրանում էր խնդիրը, այնքան աւելի օտար տարրեր սկսում էին այս ու այն անկիւնից մուտք գործել նրա մէջ։ Փորբ բաները մի կողմ թողած, մի մեծ խնդիր կանգնած էր Գ. գարուց սկսած, Դ. գարուց աւելի ծանրացած, քրիստոնէութեան դիմաց։ Ի՞նչ է ասում քրիստոնէութիւնը հին աշխարհի կրթուածներին։ Բնչ դիրք է բռնում դէպի հին աշխարհի փիլիսոփայութիւնն ու աշխարհայեցքը, *)

Եթէ քրիստոնէութիւնը ամեն օտար լան մերժէր իւր միջից և առաձնանար աշխարհից, նա ամենայն հաւանականութեամբ աւելի չէր լինի, քան թէ մի հրէական հերձուած և իրբեւ այդպիսի էլ շատ շուտով կանհեանանար, Բայց քրիստոնէութիւնն այնքան մեծ ներքին զօրութիւն ու ճկունութիւն ունէր, որ ամեն կողմից դէպի նա սլացող մտքերն ու գաղափարները իւր մէջ առաւ, նրանց քրիստոնէական գոյն տուեց և այդպիսով մի կողմից ինքն յարմարուելով, միւս կողմից հին աշխարհի փիլիսոփայութիւնն յարմարեցրեց իրեն։ Հին յունական փիլիսոփայութեան, յատկապէս Պլատոնի և Նոր-Պլատոնական գաղափարների հետ ունեցած շատ սերտ շփմամբ ու անմիջական խորին ազգեցութեամբ է կազմուած հին քրիստոնէական աշխարհայեցքը, որ իւր կլասիկական արտայայտութիւնն է գրել «Հաւատոյ Հանդանակի» մէջ։ Գ. Դ. և Ե. գարսու եկեղեցական հայրերը այնքան մտքի կորով և ոյժին ունեցել, որ առանց շփոթուելու և իրենց կորցնելու ծանր պայքարի մէջ, որ տեղի էր ունենում քրիստոնէութեան և փիլիսոփայութեան մէջ, իրեց սեպհա-

*) Տե՛ս այս բոլորի և հետեւաների մասին՝ երուանդ վրդ. Տէր-Մինասեանց, ընդհանուր եկեղեցական պատմութիւն, Հատոր Ա. Հին Դար. էջմիածին 1908.

կան աշխարհայեացքն են կազմել: Նոքա իբրև իբենց
ժամանակի որդիք չեն կարողացել բնականաբար բո-
լորովին մեկուսանալ և ազատ մնալ փիլիսոփայական
աշխարհայեացքի ազգեցութիւնից: բայց միենոյն ժա-
մանակ աշխատել են, որ ըրիստոնէականը ոչ մի վեաս
չկրէ դրանից: Եւ իբենց ժամանակի համար յաջողուել
է նրանց այդ անել: Այն հանգանակը, որ մենք այսօր
մեծ մասամբ առանց մտածելու և որևէ է բան զգալու
անդիր ասում ենք, պէտք չէ մոռանալ, որ գրուած է
շատ ազնիւ սրտերի արիւնով: ուրեմն՝ ժամանակի խո-
րին համոզմունքի ու աշխարհայեացքի արտայայտու-
թիւն է, և ոչ թէ «քահանաների կեղծիք ու անմիտ
վիճարանութեան արդիւնք», ինչպէս կարծում են կի-
սակիրթ և տղէտ մարդիկ: Եկեղեցու պատմութիւնից
յայտնի է, որ ծանր վիճարանութիւններին մասնակ-
ցել են ոչ միայն հոգևորականները, այլ երբեմն նոյն
իսկ Աղեքսանդրիայի և Անտիոքի արհեստաւորները:
Մարդիկ իբենց մտքով ու սրտով կռել են իբենց հա-
մոզումը:

Եւ այդ գործում յատկապէս շատ խոշոր դեր է
կատարել փիլիսոփայութիւնը նաև այն տեսակէտից,
որ հաւատոյ ուսմունքները դաւանանքի բնաւորութիւն
են ստացել գլխաւորապէս փիլիսոփայութեան ազգե-
ցութեամբ: Եկեղեցու վարդապետները շվման մէջ մտնե-
լով փիլիսոփաների հետ, անհրաժեշտ պահանջ են
զգացել՝ իբենց համոզումները փիլիսոփաների նման
որոշ բանաձևերով արտայայտել: Մի կողմից այդ, միւս
կողմից կարծիքների տարբերութիւնն ու ներձուածնե-
րի բազմանալը՝ պատճառ է դառնում, որ ըրիստոնէա-
կան եկեղեցին աշխատում է մի ընդհանուր դաւանա-
կան նորմ գտնել բոլորի համար: Զենք ուզում այստեղ
նկարագրել քրիստոնէական եկեղեցու դաւանանքի ծա-
գումն ու զարգացումը: Ով դրանով հետաքրքրում է,
կարող է կարդալ մեր հիւսած ընդհանուր եկեղեցական

պատմութիւնը. բայց մի խնդիր շեշտել կարևոր ենք համարում, որովհետեւ այդ նշանակութիւն ունի մեր ժամանակի մարդու դիբքը դէպի գաւանանքը որոշելու գործում:

Քրիստոնէական եկեղեցու Աստուածաբանութեան զարգացման մէջ մեր նկարագրած ըլջանում նկատելի է երեք մէծ ուղղութիւն: Այդ ուղղութիւններից մէկը Արիստոտելի՛ և Ստոյիկնան փիլիսոփայութեան աղղեցութեամբ ձգտում է հաւատոյ գաւանանքին բանական բացարութիւն տալ, ուացիոնալական դարձնել: Միւս ուղղութիւն, արեկելեան կրօնական պաշտամունքների և նոր պղատօնականութեան աղդեցութեամբ կամենում է նրան մի հայեցողական, երեկայութեանը մատչելի միստիկական բնաւորութիւն տալ: Բայց այդ երկու գլխաւոր ձգտութիւններին էլ հակառակ՝ երրորդ ուղղութիւնը, որ վերջի վերջոյ յաղթական է ենում պայքարի միջից, ամեն կերպ աշխատում է հաւատոյ գաւանանքին բացարձակ միստիկական դոյն տալ: Այդ նշանակում է՝ հաւատոյ գաւանանքը գառնում է մի ուսմունք, որը ոչ բանականութեան միջոցով կարող է ըմբռնուել և ոչ էլ երեկայութեան միջոցով հայեցութեան առարկայ լինել կամ պատկերացուել:

Այդ ուղղութիւնը խսկապէս բոլորովին մերժում է նախորդ երկուսին և նրա նշանաբանն է Տերտուլիանոսի խօսքը—«Gredo, quia absurdum est»—հաւատում եմ, որովհետեւ անըմբռնելի է»: Որպէսզի մեր ասածը աւելի լաւ հասկանալի լինի, բերենք մի օրինակ:

Եկեղեցական Աստուածաբանութեան ամենակարենը հարցերից մէկն եղել է այն, թէ ի՞նչ յարաբերութեան մէջ է Աստուած Յիսուս Քրիստոսի և Ս. Հոգու հետ, որոնք յունական փիլիսոփայութեան նմանողութեամբ գառնում են միջնորդ էութիւններ և հաւատար են Լոգոսին (==բան) և Նուսին (հոգի, միտք): Ժամանակի փիլիսոփայութեան հասկացողութեամբ՝ տիե-

զերքն ստեղծելուց առաջ՝ Աստուած ստեղծել է Լոգոսին և Նուսին, այնպէս որ նրանք իբրև ստեղծուած՝ Աստծուց տարբեր և նրանից ստորադաս միջնորդ էութիւններ են Աստծու և աշխարհի մէջ: Սա դառնում է Գնոստիկեանների և ապա՝ Արիոսականների ուսմունքը: Միւս կողմից՝ Արիստոտէլի և հրէական միաստուածութեան հետևողութեամբ՝ քրիստոն էութեան մէջ առաջ են գալիս հերձուածներ, որոնք քարոզում են Աստուծոյ բացարձակ միիշխանութիւնը: Այդ ուսման համաձայն՝ Քրիստոսը կամ իրական մարդ է եղել, կամ Բանն ու Ս. Հոգին պէտք է մի են ոյն Աստուածութեան տարբեր երեսյթներ համարուեն: Բայց այս բոլոր բացարութեան փորձերը յետ են մզւում և յաղթող է դուրս գալիս Աթանասի երրորդութեան վարդապետութիւնը, որի համաձայն՝ Աստուածութեան երեք անձնաւորութիւնները (Հայր, Որդի և Ս. Հոգի) միևնույն էութիւնն ունեն. ուրեմն մի միութիւն, որ միևնույն ժամանակ երեք է. սա ոչ գաղափարներով բացատրել հնարաւոր է ոչ էլ երեակայութեամբ ըմբռնել կարելի, քայց բնդ առաջ է գնում հաւատի այն կարիքին, որ ցանկանում է երեք գաղափարները միևնույն վեհութեան մէջ տեսնել և երկիւղ է կրում, թէ նրանց միացումից կ'պակասի մէկի կամ միւսի կրօնական արժէքը, Այդ պատճառով էլ պատահականութիւն չէ, որ այս դաւանանքին յաղթութիւն պարզեցող Աթանասը եկեղեցու գիտնական գլուխներից չէր. դրա համար էլ նա ամենաին ի նկատի չի առնում, որ իւր գոգման փիլիսոփայական տեսակէտից միանգամայն անըմբռնելի է:

Բայց ի՞նչ է հետևում այդ բոլորից: Միթէ այն, ի՞նչ որ մի ժամանակ ընդհանուր աշխարհայեացքի արտայայտութիւն է եղել, կարող է այսօր էլ առանց այլհայութեան նոյնը լինել և իբրև յաւիտենական ծշմարտութիւն կաշկանդել մարդկանց միտքը: Շատ հասկանալի է, որ մինչև այն ժամանակ կարող էր այդ հա-

մողումը ճշմարտութիւն համարուել, քանի որ դեռ ևս տիրող էր նրա հիմքը կազմող ընդհանուր աշխարհայիցը: Իսկ քրիստոնէական եկեղեցու այժմեան դաւանանքի հիմքը կազմող Նոր-Պլատոնական փիլիսոփայական աշխարհայինացը շատ վաղուց է, համարեա արդէն Զ. դարուց ի վեր, որ կորցրել է իւր նշանակութիւնը և կարելի է ասել բոլորովին անհետացել: Այդ ժամանակներից ի վեր ամենամեծ, կարելի է ասել աներեակայելի փոփոխութիւններ են մտել մարդկութեան մտաւոր կեանքի, ընդհանուր աշխարհայինացը (ներկայ բնագիտութիւնն ու աստղագիտութիւնը) մէջ, խախտելով եկեղեցական ներկայ դաւանանքը իւր էական մանրամասնութիւններով:

Արդի, նորագոյն ժամանակի քրիստոնեան իւր ազատ իրաւունքն է պահանջում աշխարհայինացը կազմելու ներկայ գիտութեան ու փիլիսոփայութեան համաձայն, և ոչ որ նրա առաջ այդ տեսակէտից արգելը դնել չէ կարող և ամեն արգելը կ'լինի ի վկաս քրիստոնէական եկեղեցու և կրօնի: Փոքրոգութիւն է և ծոյլ անդորրութիւն սիրելուց առաջացած մտաւոր երկչուութիւն կարծել, թէ քրիստոնէական կրօնը դրանով կ'վտանգուի: Մեր թուլութիւնը մենք իրաւունք չունենք քրիստոնէութեանը վերապրելու: Վերջապէս պարզ պիտի լինի ամենքի համար, որ եթէ Գ. Դ. և Ե. դար երում եկեղեցական հայրերը իրաւունք ունենք ունէին քրիստոնէութիւնը յարմարեցնելու իրենց ժամանակի փիլիսոփայական աշխարհայինացի և հասկացողութիւնների հետ, այդ նոյն իրաւունքը ունենք և մենք այսօր: Ո՛չ միայն իրաւունք է այդ, այլ մինչև անգամ մեր սրբազն պարտականութիւնն է, եթէ մենք յիրաւուի քրիստոնէական կրօնի բարեկամներ ենք և ուղում ենք, որ նա գործունեայ և գերակշիռ դեր կատարէ մեր ժողովրդի կեանքում և ոչ թէ ներկայ գիտական աշ-

խարհայեացըից յետ մնալով և օտարանալով, հին նախապաշարմունք և անդարձ կերպով անհետացած մարդկային մտածողութեան անցած գնացած աստիճան համարուի:

Եղբակացութիւնն այն պիտի լինի անշուշտ, որ
մենք պիտի կազմենք մեր քրիստոնէական աշխարհա-
յեացքը, մեր գուանանքը, անկախ և ազատ մնալով մի-
անգամայն քրիստոնէական եկեղեցու պատմական գար-
գացման և աւանդութեան հանդէս և նբանից վերցնե-
լով միայն այն, ինչ որ արձէք ունի ներկայ ժամանա-
կի համար: Այդ աշխարհայեացքի հիմքը կ'լինի անշուշտ,
ինչպէս ասացինք, անփոփոխ կերպով առաջ էլ, այժմ
էլ քրիստոնէական աւետարանական սկզբունքը՝ Յիսու-
սի քարոզը մարդկանց եղբայրութեան և Աստուծոյ որ-
դիներ լինելու մասին: բայց ներկայ գիտութեան ար-
դիւնքները աշխարհի ու տիեզերքի և մարդկանց մա-
սին չեն կարող մոռացութեան տրուիլ: Նոցա հակառակ
ոչինչ չի կարող լինել քրիստոնէական աշխարհայեացքի
մէջ, որովհետև տիեզերքի յառաջանալու, նրա զարգաց-
ման, մարդու յառաջանալու և պատմութեան մասին ոչ
ինչ չի կարող ասել կամ ոչինչ չունի ասելու քրիստո-
նէութիւնը, որ հակառակ լինէր արդի գիտութեանը:
Կրօնն ինքն էլ մարդկային հոգու զարգացման մի ար-
տադրութիւն է և նոյն ձևով ենթակայ զարգացման,
ինչպէս բոլոր միւս երեսյթները, որովհետև կրօնը կեանք
է, իսկ ուր կեանք կայ, այնտեղ չի կարող շարժումն,
փոփոխութիւն և օրգանական զարգացումն լինել: Մի-
այն մեռած կրօններն են վերջնական անփոփոխ ձև
ստացել: Վերջապէս՝ չպէտք է մոռանալ նաև այն հանգա-
մանքը, որ մարդկային բանականութիւնն էլ Աստու-
ծային բանականութեան մի մասն է և գիտութեան մէջ էլ
յայտնւում են մարդկանց Աստուծային ճշմարտութիւն-
ները: Հակակրօնական, կարճամիտ և Աստծուն հակառակ
կ'լինի այդ պատճառով արհամարհել գիտութիւնը, որով

հետեւ գրանովլ մենք արհամարհած կ'լինենք Աստուածային կայծը մարդու մէջ:

Եկեղեցու բռնած սխալ դիրքը դէպի զիտութիւնը պատճառ է դարձել այն տարածուած կարծիքի, թէ եկեղեցին կամ քրիստոնէական կրօնը անպ ատճառ հաւկառակ պիտի լինի արդի զիտութեանը, որովհետև նրա շնորհիւ կործանուած է տեսնում իւր պատմական շէնքի շատ հատուածներ: Բայց եկեղեցու այդպիսի դիրքը դէպի նորագոյն գիտութիւնը չի կարող երկար շարունակուել և մեր պահանջն է, որ եկեղեցին վերջապէս քաջութիւն ունենայ տեսնելու, որ ամեն բան իւր մէջ յաւիտենական չէ, որ շատ երևոյթներ ու կարգեր, համոզումներ ու հաւատալիքներ որոշ ժամանակի ստեղծագործութիւն լինելով՝ իրենց ժամանակի հետ անցել զնացել են և նոր ժամանակը նոր համոզումներ ու նոր կարգեր է պահանջում: Եւ երբ որ եկեղեցին այդ հաստատուն հոգի վրայ կանգնի, նա կ'տեսնի, որ ամեն փոփոխութիւն վերաբերումէ կեղեին, իսկ կորիզը՝ քրիստոնէական եկեղեցու հիմնաքար՝ Յիսուսի քարոզը մարդկանց ընդհանուր եղբայրութեան և Աստուծոյ հաւասար որդիներ լինելու մասին՝ դեռ ևս անփոփոխ իդէալ է մարդկութեան համար, որին գիտութիւնը ո՛չ միայն ձեռնամուխ լինել չէ կարողացել, այլ աւելի ևս առաջ է մղել: Թէ ի՞նչ պէտք է լինի իսկական ճշմարիտ և անկեղծ հաւատացեալ քրիստոնեայի դիրքը դէպի ամենայն զիտութիւն, կլասիկական կերպով արտայայտել է քրիստոնէական եկեղեցու ամենամեծ փիլիսոփաներից և ամենաջերմեռանդ հաւատացողներից մէկը՝ Ս. Օգոստինոսը: Նա ասումէ «Ինչ որ փիլիսոփաները ճշմարիտ բան են ուսուցել, քրիստոնեան գրանից երկիւղ կրելու կարիք չունի, այլ պէտք է անմիջապէս ընդունէ նրանցից, նրանց համարելով այդ ճշմարտութիւնների ապօրինի տէրեր: Լաւ քրիստոնեան գիտէ, որ իւր ճանաչած ճշմարտութիւնը, որտեղից էլ գալու լինի այն, Տիրոջն է պատկանում»:

Եւ առհասարակ էլ սխալ է և բոլորովին անհիմն գիտութիւնն ու կրօնը միմեանց հանդէպ հանել իրեւ հակառակ ոյժեր: Նրանց սահմանները բոլորովին տարբեր են և մէկը միւսին վերացնել ամենսին չի կարող: Որովհետև կրօնը մարդու սրտում խորապէս արմատացած այն գիտակցութիւնն է, թէ մի յարաբերութիւն կայ իրեն և այն աննկարագրելի բարձրագոյն զօրութեան մէջ, որի տեսանելի արտայայտութիւնն է տիեզերքը: Այդ պատճառով էլ գիտութիւնն անկարող է վերացնել կրօնը, ինչը ան էլ աշխատի կուռել նրա աւանդական ուսմունքների դէմ. որովհետև գիտութիւնը կարող է ամեն ինչ բացատրել, բայց կեանքի զործունեայ ոյժը ստեղծել անկարող է, նա չի կարող մինչև անգամ բացատրել թէ ինչ բան է կեանքը: Իսկ մարդու սրտից ու գլխից հանել կեանքի որ և է նպատակի, տիեզերքի և իւր յարաբերութեան և իւր պարտականութիւնների գիտակցութիւնը, միանգամայն անկարելի է: Գիտութիւնն ըստ ինքեան ոչ կրօնական է և ոչ էլ հակակրօնական. դրան ապացոյց է այն, որ շատ մեծ գիտնականներ խորին կրօնական գգացումն են ունեցել, և շատ դատարկապլուխ մարդիկ էլ եղել են անկրօն: Բացի այդ՝ գիտութիւնը չի կարող կրօնի անհաշտ թշնամի լինել նաև այն պատճառով, որովհետև երկուսն էլ առաջ են գալիս մարդու ներքին աշխարհից, իսկ այդ ներքին աշխարհը մի անբաժան միւռեթիւն է: Միմեանց հակառակ երեւում են նրանք այն պատճառով, որ մենք ճշգրիտ կիրապով չենք կարողանում ըմբռնել մէկի կամ միւսի էութիւնը, բաժանել նրանց սահմանները:

Ինձ կ'առարկեն անշուշտ, որ եթէ այդպէս ամեն մէկը ժամանակակից գիտութեան համաձայն աղատ լինի կազմելու իւր տշխարհայեացքն ու դաւանանքը, այն ժամանակ բոլորի համար պարտադիր ընդունելի եկեղեցական դաւանանքի մասին խօսք չի կարող լինելք որովհետև այդպիսին բնականաբար կ'վերանայ: Որովհե-

տեւ ոչ մի տեղ բացարձակ անկեղծութիւնը աւելի սըր-
բազան պարտականութիւն չէ, քան թէ կրօնական և
բարոյական կեանքի ասպարէզներում, պէտք է բոլորո-
վին անկեղծ կերպով ասեմ, որ յիրաւի իմ գիտակցու-
թիւնն էլ այդ է ասում. բայց ես ոչ մի վնաս և վտանգ չեմ
տեսնում զորա մէջքը իստոնէական հկեղեցու համար: Ով
որ վտանգ է տեսնում, նա ուղիղ ըմբռնումն չունի կը-
րօնի մասին, այլ կարծում է, թէ կրօնի անխուսափե-
լի պահանջն է որոշ մետաֆիզիկական ուսմունքների և
զոգմաների ճշմարտութիւնն ընդունել, որ անպայման
պարտադիր է բոլորի համար: Բայց կրօնն, ինչպէս ա-
սացինք, մարդկային հոգու այն տրամադրութիւնն է,
որով նա յարաբերութեան մէջ է մտնում տիեզերական
զօրութեան հետ և այդ պատճառով էլ նոր կեանք ու
բարեպաշտութիւն է առաջ բերում, զօրացնում ու ոյժ
տալիս ներքին աշխարհին՝ սրտին ու խղճին: Այդ պատ-
ճառով էլ վնասակար է ուղղակի հաստատուն ձեակեր-
պուած զոգմաներով ճնշել ազատ մարդու հոգին, յատ-
կապէս այնպիսի զոգմաներով, որոնք ուրիշ ժամանա-
կաշրջանի բարեպաշտութեան արտայայտութիւն են և
ոչինչ չեն ասում իր հոգուն ու մտքին: Այդպիսի գիրն
է, որ սպանում է հոգուն, որովհետև իրեւ պար-
տադիր հեղինակութիւն խեղդում է նրան, այն ինչ
կրօնական ու բարոյական կեանքի հեղինակութիւնը
միայն բանականութիւնն ու խիղճն է և ազատ միտքն ու
համոզմունքը իրենցից դուրս աւտորիտետ ճանաչել ու
ընդունել չեն կարող:

Եւ յատկապէս հաւատոյ խնդրում առանձին զգու-
շութիւն է հարկաւոր: Մեր բոլորիս պարտականութիւնն
է ի հարկէ պատկառանքով վերաբերուել դէպի մեր
հայրերի հաւատն ու աւանդը, բայց երբ մեզանից պա-
հանջուռնեն նաև համաձայնութիւն յայտնել նրանց, ըն-
դունել նրանց ճշմարտութիւնը, այդ արդէն մի ծանր
բարոյական վտանգ է, որովհետև մեր համոզմունքի ու

իղձի թելադրութեամբ մենք այդ ընդունել չենք կարող, իսկ հակառակ համոզման ու խղձի պահանջ անհին այն հետևանքն ունի, որ եկեղեցու դէմ է ելնում այժմ իրաւամբ այն զօրութիւնը, որ պէտք է իւրաքանչիւր եկեղեցու հիմքը լինէր, խղձի զօրութիւնը։ Առհասարակ բոլորովին հակառակ է կրօնի էութեանը անհատի ազատութիւնը բռնաբարելը։ Եյդ պատճառով էլ ոչինչ նրան այնքան հակառակ չէ, որքան բռնի խոստովանութիւնը մի բանի, որի ճշմարտութեանը համոզուած չես։ Եւ պէտք է իմանալ, որ այդպիսի բանը ոչ թէ պաշտպանութիւն է կրօնի, այլ ամենախիստ յարձակումն նրա վրայ։ Որովհետև ոչ մի բան այնքան արգելք չէ կրօնական զգացմունքի զարգացման համար, որքան կեղծութիւնը։ Զէ որ կաթոլիկ եկեղեցին իւր միջնադարեան բռնութեամբ հէնց նրա համար է այնքան ատելի եղել, որ պահանջել է բոլորից՝ մի կողմ դնել իրենց անհատական ներքին անկախութիւնը և անպայման կերպով ընդունել իւր ուսմունքների ճշմարտութիւնը։ Այն ինչ պարզ է, որ անհատի վրկութեան ու ներքին ազատութեան համար ուրիշների ասածներն ու արածները նշանակութիւն չունեն։

Մենք չենք կարող չ'խոստովանել, որ մենք այժմ աւելի անցած ժամանակների կրօն ունինք, քան թէ մեր սեպհական և հազարաւոր տարիների փոշին ծածկել է յաւիտենական ճշմարտութիւնները։ Իսկ դրանից առաջ է եկել այն սոսկալի կեղծ գրութիւնը, որի մէջ մենք գտնուում ենք այժմ և որը աւելի է վկասում կրօնին, քան թէ բոլոր արտաքին յարձակումները։ Հէնց այդ գրութեան պատճառով է, որ եկեղեցու և կրօնի ծայրայեղ թշնամիները ոչ բոլորովին անիրաւացի կերպով ասում են, թէ «Հաւատ նշանակում է» մի բան ճշմարիտ յայտարարել, որ ճշմարիտ չես համարում։ Երբ և իցէ այդ տեսակէտից լուրջ կերպով մտածել ենք այն՝ մարդու վրայ սարսուռ ազգող գրութեան մա-

սին, որի մէջ է կըօնի դասաւանդութիւնը մեր դպրոցներում: Ի՞նչ ենք սովորեցնում աշակերտին մի ժամ առաջ՝ բնագիտութեան դասին և ի՞նչպիսի հակասական բան մի ժամ յետոյ՝ չարաբաստիկ կրօնի դասին Կարսղ է աւելի մեծ վատանգ լինել մանկան հոգու և կրօնի համար, քան այդ դրութիւնը:

Այդպիսի սոսկալի ներքին հակասութեան ու կեղծիքի պատճառով է, որ մենք պահանջում ենք բոլորի համար ընդհանուր պարտադիր դաւանանքը վերացնել մէջ տեղից և այս հաստատուն համոզումն ունինք, որ կրօնը գրանից վնաս չի կրէ. որովհետեւ՝ ի՞նչպէս առհասարակ մտաւոր կեանքը, այնպէս էլ կրօնը նրանով է զօրութիւն ստանում, որ օտար տարբերը զէն է ձգում և իւր բուն էութեան վրայ է կենդրոնանում: Բացի այդ՝ կրօնի մէջ գլխաւորը մտքերն ու ուսմունքերը չեն, որոնք ի հարկէ յետոյ մէջ տեղ են գալիս, այլ մարդկային հոգու որոշ ուղղութիւնն ու տրամադրութիւնը, որ քրիստոնէութեան մէջ իւր կատարելազոյն արտայացտութիւնն է գտնում իրրե սէր առ Աստուած և նրա արդարութիւնը, անձնուրաց ծառայութիւն յօզուտ ճշմարտութեան և սէր դէպի մերձաւորը, հնազանդութիւն Աստուծոյ կամքին և այլն: Դաւանանք, ուսմունք, սովորոյթ, կաղմակիրպութիւն տարբեր են եղել. մէկ է բոլոր ժամանակների համար Աստծուն և ընկերին սիրելու կրօնական պատուէրը. և ով որ այդ ընդունում է ու կատարում, ամենասերտ կապերով կապուած է թէ Քրիստոսի և թէ լաւագոյն քրիստոնէաների հետ: Այսքանը բաւական համարելով քրիստոնէական աշխարհայեցքի և դաւանանքի մասին, անցնենք այժմ պաշտամունքին:

Ե.

Ծիլ եի ՊԱՇՏԱՄՈՒՆՔ.

Մեր եկեղեցու այժմեան ամբողջ պաշտամունքն ու ծիսակատարութիւններն ես պատմ սկան զարգացման արդիւնք լինելով, կրում են իրենց վրայ իրենց սկզբնաւորութեան ժամանակի դրոշմը։ Զանազան կրօնների խառնուրդի ժամանակ, արևելեան խորհրդաւոր միստերիաների ազդեցութեամբ ու նմանողութեամբ առաջ եկած և անցեալում կազմուած, ամբողջ եկեղեցական պաշտամունքն ու ծէսը այսօր այլ ես այն տպաւորութիւնը չեն թողնում արդի մարդու և քրիստոնեալի վրայ, ինչ որ սպասում է և ինչ որ նրանց նպատակն է։ Ո՞չ միայն այլևս չեն հասկացում խորհրդաւոր ծիսակատարութիւնների ժամանակ կատարուած, երբեմն մեծ կարերութիւն ունեցող և նշանակալից գործողութիւնները, այլ ընդհանրապէս մեր օրերում կարելի է ասել կորել է հետաքրքրութիւնը հանդիսաւոր պաշտամունքի համար առհասարակ։ Շատ հեռու չ'գնանք. ի՞նչպիսի մեծ փոփոխութիւն է առաջ եկել մեր ժողովրդի վերաբերմունքի մէջ դէպի եկեղեցին ու իւր պաշտամունքը միայն վերջին երկու տասնամեակում։ Մի ժամանակ՝ հանդիսաւոր պաշտամունքի օրերին լի էին լինում եկեղեցիները և եկեղեցական տօները մեծ գերէին կատարում մեր կեանքում։ Իսկ այժմ՝ նոյն իսկ մեր ամենանուիրական ազգային, էլ չենք ասում զուտ քրիստոնէական—կրօնական տօները, կորցրել են իրենց նշանակութիւնը և եկեղեցիները մեծ մասամբ դատարկ են լինում այդպիսի տօներին։

Դրա պատճառները բազմաթիւ են. կենդանի խօսքի բացակայութիւնը, կատարուածի անհասկանալի լինելը, անտանելի ձանձրոյթը ժամեր շարունակ, անճոռնի յոգնեցուցիչ երգեցողութիւնը ևայլն ևայլն։ Ինքն

ըստ ինքեան հասկանալի է, թէ ի՞նչ ուղղութեամբ պիտի լինի այստեղ բարեփոխութիւնը։ Այս, ինչ որ անդառնալի կերպով ճնացած է և անհասկանալի, պէտք է վերանայ պաշտամունքի միջից։ Արդի մարդը ձըգտում է ամեն բանի մէջ գէպի պարզութիւն։ Նոյն պահանջն է անում նա նաև պաշտամունքից։ և այսօր ոչ մի կասկած լինել չէ կարող, որ մեր եկեղեցական պաշտամունքը հիմնական վերանորոգութեան և բարեփոխութեան կարօտ է։ Նա պիտի իւր բոլոր մասերում կրատուի, մաքրուի աւելորդ, օտար եկեղեցիների ազգեցութեամբ խճողուած տարրերից, համապատասխան գեղեցիկ երգեցողութեամբ ու երաժշտութեամբ ճոխանայ, որպէսզի նորից գէպի ի՞նքը զրաւէ հաւատացեալներին, կրօնական սրբազան յոյզեր ու զգացումներ առաջացնելով նրանց մէջ։

Ի՞նչու համար ենք կարդում եկեղեցում բազմաթիւ ընթերցուածները, քանի որ կարելի է ասել՝ ոչ ոքանից բան չէ հասկանում, իսկ հասկացողներն էլ չեն լսում։ Ինչու համար շատ անգամ երկար, տաղտկալի ժամերգութիւնից յետոյ դեռ ևս Բարսեղ Կեսարացու կամ մի այլ նշանաւոր եկեղեցականի ճառն ենք կարդում, քանի որ համոզուած ենք, որ ոչ ոքի և ոչ մի օգուտ չենք տալիս զրանով, այլ ընդհակառակը շատերին ուղղակի փախցնում ենք եկեղեցուց, մեռցնելով նրանց մէջ ամեն բարեպաշտական զգացմունք։ Բարսեղ Կեսարացին և ուրիշները ժողովրդին հասկանալի լեզուով մի ժամանակ բացատրել են կատարուած տօնի նշանակութիւնը։ Նրանց ասածը ունկնդիրների համար կենդանի խօսք է եղել։ Միայն յետոյ, երբ հոգեսրականներն անշնորհք են դարձել անձամբ մի քանի խօսք ասելու և բացատրելու տօնը, վերցրել են հին հայրերի ճառերից համապատասխան հատուածներ առել ժամերգութեան մէջ, առանց այլևս հասկանալի և անհասկանալի լինելու վրայ ուշադրութիւն դարձնելու։

Մեր ներկայ ցաւերից մէկն էլ պաշտամունքի նկատմամբ ուրեմն այն է, որ պէտք է բարողը, կենդանի խօսքը յաճախանայ եկեղեցու բեմից, կինդրոնական նշանակութիւն ստանալով ամբողջ պաշտամունքի մէջ: Անհասկանալի և աննպատակ ընթերցումները պիտի վերանան և ամեն ինչ կատարուի ժողովրդին հասկանալի լեզուով: Մենք չպէտք է մոռանանք, որ եկեղեցին ու իւր պաշտամունքը, ծէսը ժողովրդի համար է, ուրեմն պիտի աշխատի բաւարարութիւն տալ նրա հոգեոր և բարեպաշտական պահանջներին:

Մեր միտքն ու հասկացողութիւնը պաշտամունքի մասին ընդհանրապէս և Հայոց եկեղեցու պաշտամունքի բարեփոխութեան մասին մասնաւորապէս աւելի պարզ կացուցանելու համար, կարեոր ենք համարում թէ սկզբունքի և թէ իրական գրութեան մանրամասնութիւնների մէջ մտնել:

Որովհետեւ մեր մինչև այժմ ասածներից երեաց, որ քրիստոնէական եկեղեցի ասելով մենք մի կրօնական համայնք ենք հասկանում՝ զուտ կրօնական ու բարոյական սկզբունքներով, որի անդամը լինելու միակ պայմանն այն է, որ մարդ ընդունէ աւետարանական սկզբունքների վեհութիւնը, ինչպէս Յիսուսն է քարոզել և աշխատէ բոլոր հոգւով ու սրտով կեանքի մէջ իրականացնել, դառնալով մի տեսակ կեանքը նորոգող, մաքրող ու զօրացնող թթխմոր,—այդ պատճառով կարող են մեղ առարկել, թէ էլ Բնչ պէտք են եկեղեցիները: Եւ յիրաւի, շատերը նոր մարդկանցից հեռացել են եկեղեցուց: Բայց այդպիսի վճիռ անելը յառաջ է գալիս խնդրի խորքը չթափանցելուց: Որովհետեւ սոցիալական փորձը ամբողջ պատմութեան ընթացքում մեղ ուսուցանում է, թէ քանի կրօնական կարիքներ կունենան մարդիկ և բնականաբար կաշխատեն նաև բաւականութիւն տալ այդ կարիքներին, նոքա միշտ մի

կազմակերպուած համայնք առաջ կ'ըերեն։ Պատմութեան մէջ անկարելի է ցոյց տալ որևէ կրօն, որ պաշտամունք առաջ բերած չ'ինի և ոչ մի կրօնական շարժումն էլ չի կարող առանց կազմակերպութեան մնալ։ Ճշմարիտ է, որ կրօնի էութիւնն ու հոգին իւր սկրզբունքներն են. բայց ուղիղ է նաև այն, որ լոկ սկրզբունքները առանց կրօնական կազմակերպութիւնների և ձևակիրպութեան՝ իսկապէս հոգի են առանց մարմնին իսկ այդպիսի բանը մեր մարդկալին յարաբերութեան մէջ գոյութիւն պահպանել և զօրութիւն դառնալ անկարող է,

Սրանից հետեւում է ուրեմն, որ պաշտամունքը իւրաքանչիւր կրօնի համար պատմական անհրաժեշտութիւն է, թէս իհարկէ ամբողջ կրօնական կեանքը նրամէջ չէ բովանդակւում ամենեին: Ընդհանուր հասարակական պաշտամունքը կարիք է նաև այն տեսակէտից, որ շատերի համար մեծ նշանակութիւն ունի իւր աշքով տեսած օրինակը. այդպիսիներին ուրեմն պէտք է սովորեցնելու մխիթարել: Ընդունելով ուրեմն եկեղեցական պաշտամունքի կարեորութիւնն ու մինչև անդամ անհրաժեշտութիւնը, մենք առաւել են ստիպուած ենք բողոքելու մեր եկեղեցում տիրող այժմեան պաշտամունքի զէմ, որովհետեւ այն ամենեին չի համապատասխան ում իւր նպատակին: «Հզոգւով և ձշմարտութեամբ» երկրագութեան փոխարէն, այսօր մենք ունենք նշանների, բանաձևերի և անմիտ ձեւականութիւնների աստուածպաշտութիւն. և մենք չենք կարող մոռանալ, որ մի այդպիսի կրօն խորտակել կամենալու համար Յիսուսի խաչուեց: Պաշտամունքը այն միջոցն է, որով բարեպաշտ հոգին յարաքերութեան մէջ է մտնում իւր Աստուծոյ հետ. ուրեմն նա պէտք է այնպէս լինի և այն ձեռվ կարգաւորուի, որ գոնէ բարեպաշտական զգացումները չ'մեղցնէ: «Ծէսին միջով պէտք է դիմել զէպի Քրիստոս» ասել, կ'նշանակէ Քրիստոսին չ'ըմբռնել ամենեին: Պաշտամունքի, ծէսի արժէքը պիտի չափուի

նրանով, թէ որչափ մխիթարում է ու կրթում, կրօնական կեանքն ազնուացնում ու խորացնում: Հէսց այդ պատճառով էլ նոյն իսկ պաշտամունքի մէջ չի կարելի աւանդական ձեերը փաթաթել մարդկանց վըդին, քանի որ նրանց հետաքրքրութիւնը վաղուց կորած է: Դրա համար էլ անհրաժեշտ պահանջ է պաշտամունքը արդի մարդու հոգեկան կարիքներին համապատասխան գարձնել: Մի ժամանակ շատ մհծ նշանակութիւն է ունեցել թէ առհասարակ կրօնի և թէ պաշտամունքի մէջ անըմբոնելի խորհրդաւորութիւնը: Այժմ այդ դրութիւնն այլ ևս ոչ մի պղեցութիւն գործել չէ կարող և պէտք է բնականարար վերանայ: Անհասկանալի քարացած կարգերի և քանանական չոր ու ցամաք ձեերի տեղը պէտք է բռնէ պաշտամունքի մէջ ժամանակակից քրիստոնէական կրթութիւնն ու գեղարուեստը, բարոյական գրականութիւնը, կոնցերտը և այլն:

Քրիստոնէական եկեղեցու ընդհանուր դարդացման ծանօթ մարդը զիտէ, թէ որչափ պարզ և միենոյն ժամանակ որչափ վեհ է հղել նախնի քրիստոնեայ համայնքների սովորական պաշտամունքը: Այնտեղ չկան այն բազմաթիւ ձանձրալի կրկնութիւններն ու տաղտպական ընթերցուածները, անթիւ, շատ անգամ անմիտ շարականների հետ, որոնցով այսօր լցուած է մեր եկողեցական պաշտամունքը: Քրիստոնեայ համայնքի անդամներն հաւաքւումեն մի տեղ Սուրբ Գրքից մի հատուած կորդալու և այդ հատուածի մասին խօսելու, իրենց ըմբռնումն արտայայտելու համար: Եւ այստեղ խօսելը որոշ ընտրեալների սեպհականութիւն չէ, այլ ազատ իւրաքանչիւրի համար, ով որ իւր մէջ Սուրբ Հոգու շնորհն է զգում՝ եղբայրներին մխիթարելու և նրանց տարակուսանքները փարատելու: Յայտնի է, թէ ինչպէս յետոյ, Բ. և Գ. դարերի ընթացքում այս միայն կիւր ակէ, Տիրոջանուանը նուիրուած

օրերը կատարուող աստուածաշաշութիւնը ընդարձակւ էռումէ ամեն կողմից, ինչպէս ազատ խօսքն հետզհետէ լոռումէ և դրա համաձայն էլ պաշտամունքը հաստատուն ձեւակերպութիւն է ստանում: Դեռ ևս մինչև Գ. դարու վերջերը անհրաժեշտ չէր համարւում ամեննեին լի օրերի ժամերգութիւնը, որ սակայն յաճախ լինումէր: Միայն Ե. և Զ. դարերից սկսած ամենօրեայ առաւտեան և երեկոյիան ժամերգութիւնը համարւումէ պարտադիր:*)

Յետագայում, քանի պակասում է և նուազում քրիստոնէական ոգին, այնքան աւելանում են ձեր, ազօթքի ժամերի թիւը և անթիւ կրկնութիւնները: Քրիստոնեանները մոռանում են իրենց վարդապետի գլխաւոր պատուէրներից մէկը. «Ազօթք անելու ժամանակ հեթանոսների նման շատախօս մի լինիք, որոնք կարծումեն, թէ շատ խօսելու պատճառով կ'ըսուին. Նախ քան ձեր խնդրելը ձեր Հայրը գիտէ, թէ ձեզ ինչ է պէտք»: Եւ այդ տարօրինակ մոռացութիւնը շատ եկեղեցիների նման մեզնում էլ դեռ մինչև այսօր պահում է իւր գոյութիւնը և արդէն այնքան հաստատուն արմատ է բռնել, որ այդպիսի սխալի դէմ խօսեն անգամ հակաքրիստոնէական բան է համարւում: Այդպիսով՝ այն, ինչ որ ոչ մի նշանակութիւն պիտի չունենայ քրիստոնէութեան համար, արտաքին ձևն ու երևոյթը, այսօր զարձել է ամենամեծ նշանակութիւն ունեցողը, առանց որի կազմութեանը միտմատաբար, թէ քրիստոնէական եկեղեցին գոյութիւն ունենալ չէ կարող: Յիշաւի, ինչ է մեր եկեղեցու այժմեան ժամերգութիւնը:

Հայոց եկեղեցու սովորական ժամերգութիւնը բաժանումէ է հետեւեալ մասերի. 1) Գիշերային, 2) Առաւատու, 3) Արեագալի, որ այժմ միայն Մեծի Պահոց օրերն է կատարւում, բայց մի ժամանակ կատարուել

*) Հմտու, այդ զարգացման մասին՝ երուանդ վրդ. Տէր Մինաս ունաց, ընդհանուր Եկեղեցական Պատմութիւն, Հատոր Ա. Հին եկեղեցին, իշմի սծին 1908. Էջ 30, 52 շար., 68 շար., 191—199, 360—361.

է ամեն օր. 4) Ճաշու, երեք մասի բաժանուած՝ երբորդ, Վեցերորդ և իններորդ ժամերին, այժմ միացած է կատարւում, առաջ անշուշտ երեք համապատասխան ժամերին մինչև ճաշը. 5) Երեկոյի, 6) Խաղաղական և 7) Հանգստեան։ Նախկին ժամանակներում ուրեմն մեր հայրերը կարեռի են համարել ամբողջ օրը անդադրում աղօթք անել Աստծուն, օրական 9—7 անդամ։ Դժուար թէ մեր եկեղեցում սակայն այդ անհնարին սովորութիւնը երկար ժամանակ տևած լինի։ Շուտով կարիք է զգացուել մի քանիսը ժամերգութեան կարգերից միացնելու և միասին կատարելու միենոյն ժամին։ Դրանից ստացուել է հետեւեալ պատկերը, որ մինչև այսօր էլ իշխող է մնում մեր եկեղեցու մէջ։ Առաջին չորս կարգերը միացըրել են և դարձրել մի ժամերգութիւն, վերջին երեքը նոյնպէս։ Որնոքա մի ժամանակ առանձին ժամեր են կատարուել, երեռում է նրանից, որ Մեծի Պահոց օրերին հին կարգի մնացորդները մէջ տեղ են դալիս։ Ուրեմն ժամանակի պահանջները ստիպել են մեր հայրերին իրենց եռանդը չափաւորեելու և մարդկանց աշխատելու ժամանակ էլ թողնելու. որովհետեւ շարունակ աղօթելը ոչ միայն հաճելի չէ Աստծուն, այլ և ուղղակի վնասակար է մարդու համար։ Իսկական կրօնական անձնաւորութիւնը ժամանակ պէտք է ունենայ լուրջ գործունէութեամբ զբաղուելու, դիմերօվ դէպի իւր որոշած նպատակը։ Այդ է կրօնի ճանապարհը։ Ուրեմն բարեպաշտութեան սկիզբը աշխատասիրութիւնն է. և ով որ պատճառ է դառնում մէկին իւր հոգու խորքով սիրած աշխատանքը թողնելու, նա ինքը անհաստուած լինելով, ուրիշին էլ մղում է դէպի հակակրօնականութիւն։

Ասածներից երեսում է, որ ժամապաշտութիւնն անդամ, եկեղեցական կեանքի ամենից աւելի անշարժ դարձած ու մնացած երեկոյթը, դարերի ընթացքում թէ դիտակցական և թէ անգիտակցական փոփոխութիւն-

ների է հնմթարկուելու իսկ գրանից անմիջապէս հետեւում է, որ նոյնպիսի փոփոխութիւնների ենթարկուել կարող է այն նաև այսօր և յետագայում, եթէ կարիք զգացուի: Իսկ որ այդ կարիքն այսօր իւր բոլոր ծանրութեամբ ու լրջութեամբ զգացւում է մեր ժողովրդի բոլոր խաւերի, առաւելապէս հէնց իրենց հոգեորականների մէջ, այդ վեր է ամեն կասկածից: Ո՞ր եկեղեցու քահանան առաւոտեան և երեկոյեան ժամերգութիւնից յետոյ յետ չէ դարձել «Օրհնեալք հղերուք» ասելու, և եկեղեցին դատարկ չի դաել. և այն ոչ թէ մի, երկու, երեք անգամ, այլ տարին տասներկու ամիս շարունակ: Ի՞նչ է նշանակում այդ երեոյթը. այդ նշանակում է, որ ամեն օր առաւօտ ու երեկոյ աղօթելու պահանջը ամեննեին չկայ այլ ևս մեր ժողովրդի մէջ և եթէ կայ էլ, բաւականանում են առաւոտեան լուացուելուց յետոյ և երեկոյեան քնելուց առաջ խաչակինքելով իրենց կամ մի «Հայր մեր» ասելով, եթէ գիտեն: Պէտք է և իրաւունք ունինք անուշադիր թողնել այդ երեոյթը: Մենք կարող ենք նշանակութիւն չտալ և անուշադիր թողնել այն, եթէ ժամապաշտութիւնը ժողովրդի համար չ'լինէր: Բայց ոչ ոք կասկած յայտնել չէ կարող, որ պաշտամունքը ժողովրդի համար է. իսկ եթէ նա կարիք չի զգում այդ պաշտամունքին, բոլորովին աւելորդ է ուրեմն նրա անունից և նրա համար կատարուսղ ժամեր տեսող կարգը:

Ասողներ կ'լինեն անշուշտ, որ հոգեորականութիւնը պարտաւոր է, ժողովուրդը եկեղեցում լինի, թէ չ'լինի, նրա կողմից աղօթել Աստծուն, ուրեմն և ամբողջ պաշտամունքը կատարել: Սյդպիսի հասկացողութիւնը քրիստոնէական չէ, ոչ միայն նրա համար, որ քրիստոնէական կրօնը լիովին մերժում է այդպիսի միջնորդութեան դաղափարը, այլ նաև այն պատճառով, որ պաշտամունքի միջոցով իւր արտայայտութիւնն ու բաւարարութիւնը գտնող կրօնական կարիքը անհա-

տական, անձնական կարիք է և նշանակութիւն ունի անհատի համար միայն այն ժամանակ, երբ նա զգուժ է այդ և անձամբ էլ բաւարարութիւն է տալիս, Բացի այդ՝ հոգեորականը մեքենայ չէ, որ կանգնի եկեղեցում ժամերով զանազան անտարբեր կարգեր կատարէ, առանց կապելու կատարածը իւր համոզումների և ներքին կեանքի հետ։ Այդպիսի պահանջ անել հոգեորականից կ'նշանակէ մերժել նրա անհատականներքին կեանքի ու համոզումների իրաւունքը և նրան հասարակ աւտոմատի աստիճանին իջեցնել։ Եզրակացութիւնը բնականաբար այն է, որ եթէ ժողովուրդը այդ կրօնական կարիքը չունի և պէտք էլ չի համարում նրան բաւարարութիւն տալ, բոլորովին աւելորդ է ուրիշների աշխատանքը։

Մենք չ'պէտք է մոռանանք այն հանգամանքը, որ քրիստոնեայ մարդը եկեղեցի մտնելով ամենայն օր ստիպուած է լսել միենոյն խօսքերը, որոնք եթէ մի ժամանակ նրա մտքին ու սրտին որևէ է բան ասել էլ են, այժմ շարունակ թութակաբար, առանց մտածելու կրկնուելուց կորցրել են իրենց նշանակութիւնն ու բովանդակութիւնը։ Բացարձակ կուրութիւն կ'լինի մեր կողմից ուրանալ կամ չ'գիտակցել, թէ ի՞նչ սոսկալի դրութեան մէջ ենք գնում մենք և ուրիշներին, երբ ամենայն երեկոյ գնումենք եկեղեցի, «Խոնարհեցն, ապրեցն,» ասում և ուրիշներին էլ ստիպում, որ ամեն օր գան մեզ լսեն։ Առաջ եկած դրութեան լրջութիւնը պիտի ստիպէ մեզ մտածելու և մի այնպիսի ելք գտնելու, որ առանց քրիստոնէական եկեղեցու ամբողջութեանը վնաս հասցնելու, հնարաւոր լինի նրա անդամներին կրկին կապել ընդհանուր գործի հետ, դարձեալ ջերմութեամբ լցնել նրանց սիրաց գէպի եկեղեցին։ Իսկ այդ հնարաւոր է միայն այն ժամանակ, երբ մենք առանց կեղծիքի և ստութեան, առանց քաշուելու և վարանելու կ'խոստովանենք աղնւութեամբ, որ այս ձևով

ու եղանակով շարունակել մենք հոգեորականներս այլ և չենք կարող, որովհետև մենք զգում ենք, որ սոսկալի կեղծիք ենք կատարում. իսկ կեղծիքն ու սուտը, ինչպէս ասել ենք արդէն, այն բանեցն են, որոնք երբէք կրօնի մէջ ոտք կոխել չեն կարող, եթէ այդ կրօնը որ և է բարոյական բարերար ազգեցութիւն է ուղում թողնելիւր շրջապատի վրայ: Այդպիսի ազնիւ և անկեղծ խոստովանութիւնը մի մեծ քայլ է գէպի բարեփոխութիւնը, որովհետև կեղծիքն ու անպէտքը մի կողմ զնելուց յետոյ, մենք ստիպուած կ'լինինք կանգնելու նոր ճանապարհի վրայ: ԶԵ որ նոր տուն շինողները կամ հէնց միայն կարկատան անողներն էլ նրանից են սկսում իրենց գործը, որ հինը կամ շէնքի փչացած մասը քանդումին:

Մինչև այժմ իմ խօսքս սովորական պաշտամունքի մասին էր. նոյնը կրկնակի ոյժով սկզբել կարելի է նաև տօն օրերի ճանդիսաւոր պաշտամունքի մասին: Բայց մենք այդ ինքնըստինքեան հասկանալի ենք ճամարում և անցնում ենք, վերջնական եղրակացութիւնից առաջ, եկեղեցական պաշտամունքի ամենախորհրդաւոր և ամենից աւելի սիրուած մասին, պատարագին:

Պատարագը սկսած նախնական քրիստոնէութիւնից եղել է եկեղեցական պաշտամունքի գագաթնակէտը և մնում է մինչև այսօր: Բայց բոլորովին սխալ կ'լինի կարծել, թէ պատարագը սկզբից և եթ նոյն բնոյթն ու նշանակութիւնն է ունեցել, ինչ որ ունի նա այժմ: Ընդհակառակը՝ եթէ մենք համեմատելու լինենք նախնական քրիստոնէութիւն սովորութիւնը և մեր այժմեան, ճամարեա ՚Պ. դարից մինչև այժմ անփոխիս կերպով ձևակերպուած պատարագը, կ'տեսնենք, որ ամեն ինչ փոխուած է: Նախնական քրիստոնէութիւն մէջ մի պարզ սովորութիւն էր այն. որ և իցէ հաւատացեալի տուն էին ճաւաբւում քրիստոնեայ եղ-

բայրները, օրհնեալ հաց էին կտրում միասին և բաժակից խմուճ՝ Տիրոջ յիշատակը պահելու համար, նրա կտակի համաձայն՝ Ուրեմն մի տիսակ կրկնումէր ամենայն շաբաթ Տիրոջ խորհրդաւոր ընթրիբը. և նրա նպատակն էր կապ պահպանելքրիստոնէական համայնքի անդամների մէջ: «Ինչպէս որ այս կտրուած հացը ցըրուած էր բլուրների վրայ և այժմ հաւաքած մի է դարձել, թող այնպէս էլ քո եկեղեցին երկրի ծայրերից հաւաքուի քո արքայութեան մէջ», ասած է նախնական քրիստոնէութեան աղօթքներից մէկի մէջ, որ արտասանուումէր անշուշտ այդ առթիւ:

Բայց այս պարզ և միանդամայն ըմբռնելի հասկացողութիւնը ժամանակի ընթացքում, յատկապէս արեկեան խորհրդաւոր միստերիաների և ծիսակայութութիւնների ազգեցութեամբ, փոխւումէ և արդէն Գ. գարում կազմւում է այն հայեացքը, այնուհետև իշխող է մնում քրիստոնէութեան մէջ մինչև մեր օրերը: Այժմ այլ ևս խորհրդաւոր ընթրիբի յիշատակը չէ, որ կատարումէն, Տիրոջ կտակի համաձայն. մոռացութեան է տրւում նաև նրա նպատակը, որ, ինչպէս տիսանք, քրիստոնեայ համայնքի անդամների մէջ միութեան կապ լինելն էր: Ամբողջ մանրամասն մշակուած ծիսակատարութեան միտքը այժմ է, որ հացն ու գինին, նրանց վրայ կարդացուած աղօթքների զօրութեամբ՝ գերբնական զօրութիւն ստանան, «Անմահութեան կերակուր» դառնան և անանցութիւն շնորհն մարդուն *): Ալգախով կազմւում է այժմնան ըմբռնումը պատարագի մասին, որի համաձայն հացն ու գինին աղօթքների միջոցով անիմանալի եղանակով փոխարկուում են Քրիստոսի իսկական մարմնին և արեանը: Դրանով պատարագը մի զոհ է դառնում, ամե-

*.) Հմմտ. մեր բնդիհանուը եկեղեցական Պատմութիւն, Հատուք Ա. էջ 30, 53—54 և 194:

նայն անգամ զոհւում է Քրիստոսը, որպէս զի նրա
մարմինը ճաշակելով ու արիւնը ըմպելով ապաշխա-
րած և մաքրուած հաւատացեալը մեղքերի թողութիւն
ստանալով, մասնակից լինի Աստուծոյ արքայութեանը
կամ կը կին քրիստոնէական սուրբ համայնքից անդամ
համարուի: Այդ պատճառով էլ ապաշխարողները, չը
մկրտուածները և այն չեն կարող ներկայ լինել խոր-
հրդաւոր հանդիսին և մասնակցել սուրբ հաղորդու-
թեան խորհրդին:

Չեմ կարծում, թէ որևէ է մէկը կամինայ լուրջ
կերպով պնդել, թէ այդպիսի հասկացողութիւնը կարող
է այսօր մեզ համար նշանակութիւն ունենալ կամ մին-
չե իսկ պարտադիր համարուել: Ամբողջ վիրե նկարա-
գրած հասկացողութեան հիմունքն այն գաղափարն է,
թէ մեր մեղքերի պատճառով Քրիստոսը մեռել է խա-
չի վրայ և այդպիսով Աստծուն հաշտեցրել մարդկային
ազգի հետ: Մեր այժմեան բարոյական հայեացքով ու
խղճմտանքով այդպիսի գաղափար ընդունել մենք ան-
կարող ենք և այն հակառակ է մինչե իսկ թիսուսի
քարոզած Աստուծոյ ըմբռնմանը, որի համաձայն Աս-
տուած մեր հայրն է: Ի՞նչ է նշանակում, թէ Աստուած,
մեր բոլորիս հայրը, մեղաւորներիս յանցանքը միայն
այն ժամանակ կարող է ներել, երբ գառնութեան վըշ-
տի ու սոսկալի տանջանքի բաժակը մեղաւորներիս
փոխարէն բացարձակ անմեղն է քամում: Այդպիսի
սարսափելի Աստուածը ի՞նչպէս կարող է մեզ սիրող
հայր համարուել: Չուզենալով այլ ևս երկար խօսել այդ
խնդրի մասին, այսքանը միայն առ այժմ կարենը ենք
համարում ասել, որ իհարկէ պատարագն էլ իւր հաս-
կացողութեամբ ու ծիսակատարութեամբ պէտք է փո-
փոխութեան ենթարկուի և իւր նախկին կերպարանքն
ստանայ, երբ այն միայն տիրոջ մահուան յիշատակն էր
և քրիստոնէական համայնքի միութեան նշանը: «Զայս
արարէք առ իմոյ յիշատակի»: «Քանիցս անգամ թէ

ուտիցէք զհացս դայս և զբաժակս ըմպիցէք, զմահն տեառն պատմեցէք» (Ա. Կորնթ. ԺԱ. 23—26):

Հնդհանուր եղբակացութիւնը պաշտամունքի մասին այն է ուրեմն, որ անիմաստ ծէսն ու մեքենայական ձեւականութիւնը, որոնց կատարման ժամանակ ոչ հոգեորականն է որ և է բանի մասին մտածում կամ որ և իցէ բան զգում, ոչ էլ ժողովուրդը, պէտք է վերանան: Այդպիսի պաշտամունքը չի կարող մինչև անգամ Աստուածահամոյ լինել, և զրա համար է ասում մարդարէն Աստուծոյ կողմից. «Ատեցի, մերժեցի զտօնըս ձեր և ի տարեկանս ձեր ոչ հոտոտեցայց: Զի թէ մատուցանիցէք զողջակէզս և զղոսն ձեր՝ ոչ ընկալայց, և ի խաղաղականս պարարտաց ձերոց ես ոչ հայեցայց: Ի բաց արա յինէն զձայն երդոց քոց, և զնուազս սրնզաց քոց ես ոչ լուայց: Եւ յորդեսցին իրեկ զջուր իրաւունք, և արդարութիւն իրեկ զհեղեղ անհուն:» (Ամովս Ե. 21—24): Ուր Աստուածային հոգին չկայ, այնտեղ ի զուր են բոլոր պաշտամունքներն ու ջանքերը աստուածամերձ երեալու համար: Ինչպիսի բնաւորութիւն պիտի ունենայ պաշտամունքը և ինչը կարող է լինել նրա նպատակը, բացի զերե բերուած Ամովսի խօսքերից, գեղեցիկ կերպով բնորոշում է Եսայի մարդարէն: «Լըսեցէք տիրոջ խօսքը, Սողոմի իշխաններ, ականջ դիր մեր Աստուծոյ օրէնքներին, Գոմրիայի ժողովուրդ: ինչին են պէտք ձեր բազմաթիւ զոհերն, ասում է Եահուէն: Կշտացել եմ ձեր խոյերի ողջակէզներից և ցուլերի ճարպից: չեմ ուզում ոչխարների և եղների արիւնը: Ես ատում եմ ձեր նոր-լուսիններն ու տօները. նոքա ինձ համար բռու են, որ ես կը լուսուց յոզնել եմ: Եթէ դուք ձեր ձեռը մեկնէք, ես իմ զէմքը կ'ծածկեմ ձեր առաջ, ես չեմ լսի ձեզ, ինչքան էլ շատ ազօթէք, որովհետեւ ձեր ձեռները լի են արիւնով: Լուացէք, սրբեցէք ձեզ, հեռացրէք իմ աչքի առաջից ձեր չար գործերը, դադարեցէք չարիք գործելուց, սովորեցէք բարիք անել.

իրաւունք՝ փնտրեցէք, փրկեցէք զրկուածին, որը ի դատաստանը տեսէք և այրու իրաւունքը մի բռնաբարէք։ Այն ժամանակ՝ հթէ ձեր մեղքերը ձանձախարիթի նըման լինին, ձիւնի նման սպիտակ կ'դարձնեմ, եթէ մութ կարմիր գոյն ունենան, ասրի նման կ'շինեմ» (Եռ. Ա. 10—18):

Այդ նպատակի համաձայն էլ՝ քրիստոնեայ հոգեւորականի սրբազն պարտականութիւնը մատաղ օրհնել, պատարագ մատուցանել, մեռել թաղելն ու մկրբառութիւն անելը չէ, որ կարող է կատարել ամեն քրիստոնեայ մի «Հայր մեր» կամ «Յանուն Հօր» ասելով, այլ հաւատացիալներին Յիսուսի քարոզն ու վարդապետութիւնը ուսուցանելը և բարոյական, աստուածահաճոյ կեանք առաջ բերելը։ Այդ նպատակին պիտի ծառայէ առհասարակ քրիստոնէական եկեղեցու ամբողջ պաշտամունքը, ինչպէս որ եկեղեցին ինըն ևս բարոյական սկզբունքների քարոզութեան մի միջոց պիտի լինի։ Օգոստինոսի նման «Հեթանոսների առաքինութիւնները վայլուն մոլութիւններ են» ասելով, մենք ինքներս քրիստոնեայ չենք դասնում զեռ ևս։ Ուսուցմամբ ու օրինակով պէտք է քրիստոնէական եկեղեցին աշխատի իւր սկզբունքները իրականացնել կետնքի մէջ։ Աստուծոյ բնակարան և միակ կենդանի սրբավայր խիզճը զարթեցնել մարդկանց մէջ, բարոյական եռանդը գորացնել, մեղքի դէմ կռուել, մխիթարութիւն ու օգնութիւն մատուցանել, ահա այն նպատակը, որին պիտի դիմենք մեր բօլոր կարողութեամբ։ Եւ այդ նպատակի իրազործման համար հասարակաց պաշտամունքն ևս շատ մեծ գործ կարող է կատարել և թէ նա մեր ասած եղանակով բարեփոխուի։ Քարոզի ու կենդանի խօսքի միջոցով նա պիտի ժողովրդի առաջ միշտ կենդանի պահէ Յիսուսի պատկերը, որ անձնութեան ու հասարակաց օգտին արած զոհաբերութեան ամենահսկայական օրինակն է։ Մինչև ցո-

բենի հատիկը հողի մէջ չ'թաղուի, առատ պտուղ բերել չէ կարող: Աշխարհի անվերջ տանջանքի խայթոցը նրանով է ոչնչանում, որ մտնում է ազնուագոյնների սիրտը: Դրանով ենք սովորում մենք յաղթահարել տանջանքը և այդպիսի հերոսներն են առաջնորդում մարդկութեանը դէպի վեր, դէպի խակական կեանքն ու ճշշմարտութիւնը: Այդ է, որ մեզ համար խաչը յաղթութիւն է գարձնում, որովհետև խաչի վրայ մեռնող հերոսը միայն աշխարհին յաղթել կարող է, և ճշմարտութիւնը յաղթում է իւր վկայի արիւնով: Դրանով պաշտամունքը ծառայած կ'լինի իւր նպատակին և նրա դէմ ոչ ոք ոչինչ չի ունենայ ասելու:

Եթէ այդպիսի քարոզութիւնն ու կրօնական զգացումներ առաջ բերելն է պաշտամունքի նպատակը, որ անկասկած է, ապա մենք պէտք է զգուշանանք միւնոյն բանը յաճախակի կրկնելուց, ուրեմն ամենայն օր, այն էլ օրական երկու անգամ պաշտամունք կատարելուց: Սակայն այդ բանն անել մենք չենք էլ կարող, որովհետև ժամանակը և ներկայ դրութիւնը արդէն այնտեղ է հասցըրել, որ եկեղեցիները դատարկ են այդպիսի ժամերգութիւնների ժամանակ: Եթէ կարծողներ կան, թէ օրական երկու անգամ պաշտամունք է կատարւում նրա համար, որ քրիստոնեաները անդադար աղօթեն, այդպիսիները թող չ'մոռանան, որ աղօթելու համար զանգահարութիւնն ու ձևականութիւնները ոչ միայն կարենոր չեն, այլ և միանգամայն աւելորդ են: Աղօթող սիրտը Աստծուն մօտիկ է, եթէ նա տարին մի անգամ էլ եկեղեցի չ'մտնի. իսկ աղօթելու անտրամադիր հոգին, եթէ լոկ սովորութեան համաձայն ամբողջ օրն էլ եկեղեցում անցկացնէ, միւնոյն է, հետու է մնում իւր Աստծուց և ոչինչ չի շահում: Չ'պէտք է մոռանանք երբէք տիրոջ այն պատուէրը, թէ աղօթքը ցուցամոլութեան համար չ'պէտք է լինի, այլ հոգու ներքին խորին պահանջ: Այդպիսի պահանջ ունեցողը կարող է իւր սենեակում

էլ աղօթել, կարող է առանց մի բառ արտասանելու էլ աղօթքի, սերտ հաղորդակցութեան մէջ լինել իւր Աստծու հետ և ամենեին կարիք չունի, որ մենք նրան եկեղեցի հրաւիրենք, Ընդհակառակը՝ ճշմարիտ աղօթքի տրամադրութիւնը կորչել կարող է այդպիսի հանգամանքներում։ Աղօթքի կենդանի օրինակը մեզ համար Յիսուսն է։ Սուրբ բան է աղօթելը նրա համար. այնքան սուրբ, որ աշխարհը նրան վկայ լինել չի կարող և այնքան լուրջ, որ իւրաքանչիւր աւելի խօսքը ի չարէն է։ Զի՞ որդին է Հօրը խնդրում և Հայրը առանց խնդրելու էլ գիտէ, թէ ինչ է պէտք։

Ուրեմն աղօթելու համար էլ ամենեին կարեոր չէ ամենօրեայ եկեղեցական պաշտամունքը։ Մենք պէտք է վերագառնանք նախնական քրիստոնէութեան այն սովորութեանը, որի համաձայն շաբաթական մի անգամ, Տիրոջ նուիրուած՝ կիւրակէ օրը պաշտամունք կատարեն ու միասին համախմբուելը բոլորովին բաւական էր համարւում։ Մենք այժմ աւելի կարիք չունինք և չենք զգում, քան թէ այն ընդհանուր ոգեսորութեան ժամանակն էր։ Խսկ եթէ համայնքի մէջ աւելի մեծ կարիք ունեցողներ կ'լինեն, կարիք կ'լինի աւելի յաճախ յիշեցնել նրանց Յիսուսի վարդապետութիւնն ու կեանքը, այդպիսիների համար առանձին զումարումներ անելը միշտ կ'մնայ քրիստոնեայ հովուի և ժողովրդի առաջնորդի սրբազն պարտականութիւնը։

Դրանով եկեղեցին կ'լինի լուսաւորութիւն տարածող մի քաղաքակրթական գործօն, ինչպէս վայել է նրան և ինչպէս եղել է նա առաջ։ Եւ միանգամայն կորոշուի նաև այն դիրքը, որ նա իւր ամբողջ հոգեսորականութեան հետ միասին պարտաւոր է բռնել դէպի այն դարէդար անցնող հեթանոսական սովորութիւնները, որոնք մուտք գործած լինելով հայ քրիստոնեայ համայնքի մէջ, ոչ միայն հանգուըթեւում են հայ քրիստոնէական եկեղեցու և հոգեսորականութեան կողմից։

այլ կարելի է ասել՝ մինչև անգամ քաջալերւում են: Մեր խօսքը ժողովրդի մէջ տարածուած սնապաշտութեան ու կռապաշտութեան մասին է, որ նրան շրջապատող մահմէդականներին բոլորովին հաւասար քաղաքակրթական աստիճանի վրայ է գնում, և որի հետեւանքն է զանազան հրաշագործ պատկերների, կարմիր ու ճերմակ աւետարանների, յայտնի ու անյայտ սրբերի և սրբատեղիների պաշտամունքը: Մեր եկեղեցին այժմ ամենայն հանգստութեամբ հանդուրժում է այդ բոլորին և թոյլ է տալիս, որ աւելի նիւթական առարկաները պաշտուին, իբրև առանձին, զօրութիւնների բնակարաններ, քան թէ կենդանի Աստուածը: Այդպիսի հանդուրժողութիւնը սակայն ամենամեծ նախատինքն է թէ եկեղեցու և թէ հոգեորականութեան համար: Եւ վերջապէս՝ ժամանակ է, որ մենք մտածենք այդպիսի կռապաշտութիւնը, կրօնի անիմիստական և ֆէտիշիստական ժամանակի մնացորդները, արմատախիլ անել մեր ժողովրդի միջից, զո՞նէ բուռն կերպով աշխատենք արմատախիլ անել: Սովորոյթի մասին չուզկցանք երկար կանգ առնել, զրքոյկի ծաւալը չափից աւելի չ'ստուարացնելու համար: Բայց միքան այդպիսի հեթանոսական սովորութիւնների մնացորդներ կան մեր մաշտոցների մէջ, որ նոյնպէս հիմնական բարեփոխութեան կարօտ է: Ապացոյցի համար բաւականանանք նոցանից մի քանիսը թուելով. 1) կանոն գիշերային ժամու աղօթից, որ կատարի ի վերայ ծանր հիւանդաց, ի բժշկութիւն ցաւոց և ի բաւութիւն յանաց. 2) կանոն խաչալուայ առնելոյ, որ կոչի խաչանգիստ, ի բժշկութիւն ամինայն ցաւոց մարդկան և հօտից, բոււոց և տնկոց: Եթէ օրհնած ջուրը «Հօտք և խաշինք արցցեն, եղիցինոցայանցաւութիւն և ի ծննդականութիւն»: Եթէ բոյսերի վրայ սրսկենք, «եղիցին անմլասելի ի ժանգոյ, ի թրթրոյ և յամենայն պատահարաց». 3) կանոն դժուարածին յղի կնոջ. 4) կա-

նոն փարատելոյ զառւն նորածին մանկանց. 5) կանոն նոր հայ օրհնելոյ. 6) ժամանար (զանգակ) դդեստ, գիրք և այլն օրհնելոյ կանոն. 7) կանոն Զըհոր օրհնելոյ. 8) կանոն նորոգ սափրելոյ զհերս պատաճոյն և այլն և այլն:

Այս կարգերը կատարելն է դարձել իսկապէս մեր այժմիան քահանայութեան պարտաւորութիւնը. բայց քրիտոնէական եկեղեցին չի կարող թոյլ տալ, որ հայ քահանաները այդպիսի բաներով զբաղուեն և կարմիր աւետարանի ու հրաշագործ պատկերների մնութի պաշտամունքը տարածեն մեր ժողովրդի մէջ. այն էլ պաշտօնապէս, հոգեոր վարչութիւնների թոյլտութեամբ և խրախուսանքով: Մենք այլևս չենք կարող թոյլ տալ և չպիտի թոյլ տանք, որ հայ հոգեորականները կարկուտ կապելով և անձրե բերելով զբաղուեն: Այդպիսիները չեն կարող մինչև անգամ քրիտոնեայ համայնքի անդամ լինել, ուր մնաց թէ հովիւ և առաջնորդ. որովհետեւ լուսաւորութիւն տարածողը չի կարող հմայն ու կախարգը լինել: Շատ են գդրախտաբար մեր հոգեորականների մէջ այդպիսիները, բայց լուրջ և սիստեմատիկական կերպով առաջ մղուած երկարատև աշխատանքն ու գործունէութիւնը կարող կ'լինեն այդ անպատիւ բիծն էլ մաքրել մեր եկեղեցու վրայից:

Վերջին խնդրին անցնելուց տուաջ համառօտակի յիշատակենք նաև, թէ ինչ դրութեան է հասկել մեզնում եկեղեցական «խորհուրդների» ըմբռնումն ու կատարումը: Եօթն խորհուրդներից վերջինը՝ «Հիւանդների օծումը» մեր եկեղեցում ամեններն գոյութիւն չ'ունի այժմ, իսկ արդիօք և ի՞նչ չափով եղել է այն առաջ, այդ էլ անյայտէ: Մնացածներից «ապաշխարութիւն»-ը կորցրել է իւր նշանակութիւնը, հաղորդութեան մասին վերե արգէն խօսք եղաւ, մկրտութիւնն ու զբոշմը դարձել են լոկ ձեւականութիւն, որովհետեւ կատարւում են երեխայի նկատմամբ, որին ոչինչ ուսուցանել կարելի

չէ, այն ինչ մկրտութեան «կանոնը» պահանջում է, որ
նախ սովորեցնեն «երեխայ»-ին քրիտոնէական եկեղե-
ցու ուսումն ու կեանքը: Աւելի լաւ գրութեան չեն
պսակն ու ձեռնադրութիւնը: Եկեղեցական պսակի աղ-
դեցութիւնն ու ոյժը հետզետէ աւելի և աւելի կոր-
չում է: Եւ ուրիշ կերպ լինել չի կարող, բանի որ եկե-
ղեցու աղդեցութիւնը վերև նկարագրած հանգամանք-
ների շնորհիւ ընկել է և ժողովրդի մէջ քրիստոնէական
բարոյական կեանք առաջ բերելու մասին մտածող ու
հոգացող չկայ: Խօսմնք այլևս ձեռնադրութեան մասին.
ձեռնադրութեան խորհրդի միտքն այն է, թէ նորա մի-
ջոցով ձեռնադրեալը ստանում է Սուրբ Հոգու շնորհքը:
Սակայն եթէ մենք այդ պնդենք էլ, ով կ'հաւատայ,
թէ մեր հոգեորականութեան մէջ Սուրբ Հոգին է իշ-
խում և տգէտ եպիսկոպոսների ձեռնադրած բոլոր
տգէտ քահանաները Սուրբ Հոգու շնորհն ունին: Այս
բոլոր պակասութիւնները հետևանք են այն բանի, որ
իսկական քրիստոնէական կեանքի ձգտումը մեռած է
մեր եկեղեցում: Իսկ ուր կեանքի ձգտումը մեռնում է,
այնտեղ մի պակասութիւնը ծնող է գառնում միւսի և
նրանք շարունակ աւելանում են: (Որովհետև ձեռնա-
դրութեան մասին խօսեցինք, չենք կարող առանց յի-
շատակութիւն թողնել նաև այն սոսկալի հակաքրիս-
տոնէական սովորութիւնը, որով մեր եկեղեցում հան-
դիսապէս նզովւում են ուրիշ գաղափարի տէր մար-
դիկ, որոնք հերետիկոս կամ հերձուածող անունն են
կրում: Ի՞նչպէս պէտք է հաշտեցնել այդ սովորութիւնը
«Սիրեցէք զթշնամիս ձեր» պատուէրի հետ, ես չգի-
տեմ և չեմ կարծում, թէ որ և է մէկը կարողանայ անել
այդ՝ առանց անմիտ սովիստութեան: Վրդովեցուցիչ է
այս խնդրում՝ նաև այն, որ այլ կերպ մտածողներին
նզովազ և հայրերը ոչ մի պարզ գաղափար չունին,
թէ ում և ինչու համար են նզովում: Ալդպէս՝ կ'գտնէք
նզովեալների շարքում տպուած խոշոր տառերով Տիո-

ըիտոսին, որ անշուշտ Դիոդոր Տարսոնացին է: Անունն անդամ ուղիղ չեն տպել և չ'զիտեն, բայց նզովելը անխուսափելի պարտք են համարում: Ուրիշների անունը տալն այլ ես կարեռը չենք համարում, որովհետև կարծում ենք, թէ սկզբունքով խնդիրը բոլորովին պարզ է, որ ոչ ոքինզովելու իրաւունք չունենք: «Մի դատէք, զի՞ մի դատիցիք»: Հապա հպիսկոպոսական երդումը: Աւետարանում ասած է՝ «ամեններն մի երդնուցուս»: իսկ մեր եպիսկոպոսացուներից ոչ միայն բանաւոր, այլ և գրաւոր երդումն է պահանջում և ստացում:

Այս բոլոր թերութիւններն ու պակասութիւնները վերացնելու հոգսը ամենից առաջ ծանրանում է եկեղեցու առաջնորդական կամ եպիսկոպոսական իշխանութեան վրայ: Իսկ եթէ նա անընդունակ գտնուի հասկանալու ճշմարտութիւնն ու ըմբռնելու ժամանակի պահանջը, այն ժամանակ կ'թնայ դիմել կենդանի եկեղեցուն՝ ժողովրդին, որ վեր կենայ և մաքրէ Սիոնը ապականիչներից ու աւազակներից:

Զ.

ԵԿԵՂԵՑԱԿԱՆԻ ՆՈԽԻՐԱՎԵՏՈՒԹԻՒՆ

Սրանով համում ենք դարձեալ եկեղեցու նուիրապետութեանը, որի գրութիւնը, ինչպէս վերև նկարագրեցինք, շատ ողբերգական է և գժուարին: Բացի վերեն այլ առթիւ յիշածներից, այստեղ պէտք է շեշտենք, որ Հայոց Եկեղեցու նուիրապետութիւնը գտնում է բացարձակ քայլքայուած և կազմալուծուած վիճակի մէջ: Նա անզօր է, ուժասպառ և անբովանդակ դարձած: Ծեղն է յիշել Խորենացու խօսքը, որ շատ լաւ բնորոշում է Հայոց աշխարհի կարգերը: «Զի ոչ կարգք ինչ լիւալ աստ յայտնի, և ոչ մենանից պաշտամունք: և ոչ գլխաւորաց աշխարհիս առաջինն յայտնի է և ոչ վերջինն, և ոչ այլ ինչ օր ինաւոր, այլ

խառն ի խուռան ամենայն և վայրենի» (Խորեն, Ա. 9):

Այստեղ էլ ինչպէս նախորդ խնդիրներում, ելք դանել հնարաւոր է միայն պատմական զարգացումն ըմբռնելով: Հայոց բարձրագոյն կամ կուսակը օն հոգեորականութիւնը ծանր ճգնաժամի մէջ է այսօր: այդ արևի նման պարզ է նշաններն ըմբռնել կարողացողի համար: Այդ ճգնաժամի պատճառները վերև մեծ մասամբ արդէն նկարագրուեցան և ընդհանուր կերպով ցոյց տրուեցին այն միջոցները, որոնցով հնարաւոր է ճգնաժամը մեղմացնել, գուցէնակ բոլորովին վերացնել: Ամենածանր խնդիրն այստեղ մեր կարձիքով այն է, որ կուսակրօն հոգեորականութիւնը ինքնըստինքեան, իրերի բնական բերմունքով մահուան է դատապարտուած, այն պարզ պատճառով, որ հասկացող, ինտելիգենտ տարրերը այժմ խոյս են տալիս այդ կոչումից և չեն կարող այլ կերպ վարուել, քանի որ են կեղեցու դրութիւնը չի փոխուել ժամանակակից համացողութեան համաձայն: Հակառակ դէպքում նոքամտած կլինեն մի լծի տակ, որ բոլորովին օտար է իրենց համար և ուր բացարձակ անկեղծութիւն է հարկաւոր կեղծ չերևալու համար:

Ով որ գեռ ևս կասկածում է, թէ կուսակրօն հոգեմորականութեան վերջն եկել է, այդպիսիների աչքը բաց անելու և կատարուած իրողութիւնը ցոյց տալու համար, կարեւոր ենք համարում դնել հիտեալ ստատիստիկան.

Յայտնի է, որ Ռուսահայոց բարձրագոյն հոգեւորականութիւնը էջմիածնի միաբանութիւն կոչուած խառնիճաղանձ, այլազան տարրերից կազմուած կուսակրօն եկեղեցականներն են: Այդ «միաբանութիւն»-ից են ընտրուում կաթողիկոս, առաջնորդ, յաջորդ, գործակալ, սինոդի անդամ և այլն: Վերջին տասն տարրուայ ընթացքում այդ միաբանութեան մէջ տեղի է ունեցել

հետևեալ փոփոխութիւնը: 1898 թուին էջմիածնի միարանութիւնն ունէր ընդամենը 92 անդամ (արքեպիսկոպոս, եպիսկոպոս, վարդապետ և սարկաւագ): Տասն տարի յետոյ՝ 1908 թուին էջմիածնի միաբանութիւնն հաջում էր ընդամենը 67 անդամ, ուրիշն պակասել էր 25 հոգի, Դրա վրայ պէտք է աւելացնենք այն, որ 1898—1904 դեռ բաւական թուով նոր մարդիկ մտել են, այն ինչ 1905 թ. սկսած ոչ ոք մտած չէ և յոյս էլ չկայ, թէ կ'մտնեն: Այն ինչ շարունակ դուրս են գալիս և պիտի դուրս գան: Այդպէս՝ միայն 1909 թուականին դուրս են եկել կրկին 3 հոգի, մեռել է մէկը, որով միաբանութեան թիւն իջնում է 63 հոգու: Իսկ այդ 63 հոգուց՝ մօտաւորապէս կէսը անընդունակ է դործի կամ ծերութեան կամ անպատրաստութեան պատճառով: Սա մի այնպիսի լիդու է, որ չեն կարող չհասկանալ նոյն իսկ մեր «ի ծնէ» կոյրերն ու խուլերը: Մանաւանդ որ զրութիւնն այլ չէ նաև Տաճկահայաստանում, ուր նոյնպէս զգացում է պատրաստուած և պիտանի բարձրագոյն հոգեորականութեան մէծ կարեռութիւն: Ի՞նչու յանկարծ այդպիսի զրութեան մէջ ընկաւ հայոց բարձրագոյն հոգեորականութիւնը:

Եկեղեցական պատմութիւնը մեզ ուսուցանում է, թէ ինչ պայմանների արդիւնք է կուսակրօն վանականութիւնը քրիստոնէական եկեղեցու մէջ: Աշխարհից ձանձրացած, նրա չարիքներից փախչող հին աշխարհի մարդիկ, մի կողմից փիլիսոփայութեան, միս կողմից հեռաւոր արեւելքի կրօնների ազգեցութեամբ խոյս են տուել դէպի անապատները, այնտեղ միաբանութեան մէջ գտնելու իրենց հոգին և իրենց Աստծուն, այնտեղ սրբավայել կեանքով փառաւորելու Աստծու անունը: Այժմեան մարզը գրա հակառակ՝ սիրում է կեանքն ու այս աշխարհը, և նրա հասկացողութեամբ Աստծուն փառաւորել կարելի է մի այն գործնական

կեանքի մէջ աւետարանական ճշմարտութիւնների, եղբայրսիրութեան համար կոիւ մղելով և մարդկութեան սոցիալական վերանորոգութեան համար աշխատելով։ Եւ արդի մարդը այդ նոյն ուղղութիւնը պահանջում է նաև իրեն առաջնորդելու կոչուածից։ Մեծամեծ, տիեզերական պատմութեան յեղաշրջող դէպքեր են պատրաստում մարդկութեան կեանքի մէջ երրորդ և չորրորդ գասակարգերի մրցմամբ ու հետզետէ աւելի և աւելի կատաղի կոռուպ։ Ի՞նչ պէտք է անէ քրիստոնէութիւնը այդ պայքարի ժամանակ և ի՞նչ է նրա դերը. նա պէտք է տիրող զասակարգի հետ միացած կոռուբ մարդկութեան ճնշուած մասի արդար պահանջների դէմ, թէ պէտք է վերստին յիշէ, որ Յիսուսը աղքատների, թշուաների և ճնշուածների բարեկամն էր, որ քրիստոնէական կրօնը իւր սկզբնաւորութեան օրերում և գեռ երկար ժամանակ առաւելապէս խեղճերի կը օնն էր և իրրե այդպիսի նուածեց ամբողջ աշխարհը։ Ահա այն հարցերը, որ կարող են արդի մարդուն զբաղեցնել, եթէ նա առհասարակ կրօնի մասին մտածում է։ Այդպիսի համաշխարհային հարցերի առաջ ի՞նչ նշանակութիւն կարող է ունենալ ճգնաւորների և կեանքից բեղարածների իդէալը իրենց անհատական երջանկութեան մասին։ Խսկական քրիստոնեան մեր օրերում չի կարող ճգնաւորների նման Աստծուն սիրելու և ընկերին սիրելու պատուէրները միմեանցից բաժաննել։

Բացի այդ՝ մի ժամանակ այդ կուսակրօն ճգնական կեանքը համարուել է աւելի սուրբ, աւելի Աստուածահաճոյ կեանք։ Այսօր դրա մասին խօսք լինել չէ կարող, ոչ միայն այն պատճառով, որ այժմ ոչ ոք, և այն էլ իրաւամբ, չի հաւատում կուսակրօն «Ճգնաւորների» սրբութեանը, այլ գլխաւոր ապէս նը ահամար, որ իսկական սրբութիւնը մեր հասկացողութեամբ այս ուղղութեամբ այս ուղղագործութեամբ այն արտաքին բա-

րիքի արգելքը չէ, այլ սրտի սրբութիւնը՝ Բնական է, որ այս հասկացողութիւնների տիրապետութեան շնորհիւ կուսակրօնութիւնը իւր ստքի տակի հողը կորցնէր, և մենք յիրաւի տեսնում ենք, որ այդ այդաէս է և քանի գնայ՝ գրութիւնը շատ աւելի պիտի ծանրանայ:

Ի՞նչ պէտք է անել ուրեմն, որ այս խիստ ճգնաժամն էլ յաջող և եկեղեցու համար օգտակար լուծումն ստանայ: Մեր կարձիքով պատասխանը պարզ է. ինչ որ ներկայ հասկացողութիւններին անհամապատասխան է և կրօնի համար էլ անտարբեր է, ուրեմն ոչ մի նշանակութիւն չունի, պէտք է վիրացնել և նրա տեղ աւելի կինսունակ, ժամանակի պահանջներին աւելի համապատասխան բան դնել: Ի՞նչ է կախուած օրինակ բարձրագոյն հոգեորականութեան ամուսնացած ու կուսակրօն լինելուց. և միթէ մեր եկեղեցին իւր պաշտօնապէս «կուսակրօն» եախսկոպոսութիւմը աւելի լաւ դրութեան մէջ է, բան Անգլիական եկեղեցին իւր ամուսնացած եպիսկոպոսներով:

Շատ կրթուած մարդիկ կան, որոնք խորապէս հետաքրքրուում են կրօնական խնդիրներով և կ'կամենային մեծ մասնակցութիւն ունենալ նոցա մէջ: Բայց այդպիսիներին յետ են կասեցնում, բացի վերև յիշուած պատճառներից նաև այնպիսի, կրօնի տեսակէտից անշանակ բաներ, որպիսին կուսակրօնութիւնն է կամ հոգեորականի տարօրինակ զգեստը: Հարցն ուրեմն այստեղ այն է, թէ պէտք է հետամուտ լինենք պահելու անցեալի նշանակութիւնը կորցրած ժառանգութիւնը ի վնաս կրօնի, թէ ընդհակառակը՝ կրօնի օգուտնի նկատի առնելով պէտք է այնքան ոյժ և աչալրջութիւն ունենանք, որ ըմբռնենք, թէ դէպի ուր է գնում ընդհանուր շարժումը, որպէսզի ըստ այդմ էլ, յարմար ժամանակը ձեռքից բաց չ'թողնելով—ընդհանուր հո-

սանքին դէմ, թէ նրա համաձայն—կարգաւորենք մեր գործերը:

Զի կարելի ասել, թէ մեզնում այս բանը չեն հասկանում. բայց այն տարօրինակ կարծիքն է իշխում, թէ թող կուսակրօն հոգեորականութիւնը ինքն իրեն վերջանայ, մենք էլ ինչու ձեռք տանք: Այդպէս մտածողները մոռանում են, որ եթէ մենք յարմար ժամանակին փթածը, անպէտքը մի կողմ դնենք և ժամանակի հետ գնանք, այն ժամանակ շատ բան կարող ենք դեռ պահել անցեալի ժառանգութիւնից, որ մեզ համար էլ թանգագին է: Իսկ եթէ թողնենք, որ ժամանակը իւրն անէ, կամ ինչպէս ասում են, ինքն իրեն վերջանայ, որպէսզի մենք մեր զլուխը չյոգնեցնենք մտածելով, հետեանքն այն կ'լինի, որ ոչ միայն անհետ կ'կորչի մեր պինդ բռնած անօգուտ ժառանգութիւնը, այլ և կործանումը աւելի մեծ կ'լինի, քան թէ մենք կարող ենք երեակայել: Ցիսուսի խօսքերով ասեմ, մենք պէտք է արթուն լինենք, հսկենք, թոյլ չտանք, որ ժամանակը յանկարծակիի բերէ մեզ և իւր ուղածն անէ, վնաս հասցնելով մարդկութեան ամենաթանգագին դանձին՝ կրօնին. չէ որ այդ չի կարող լինել մեզնից ոչ ոքի ցանկութիւնը: Պէտք է ի նկատի ունենալ նաև այն հանգամանքը, որ մեր ընդհանուր շարժման դէմ յամառեն ու «հայրերի աւանդը» ամուր պահելու կոյր ձգտումը կարող է այն վնասակար հետեանքն ունենալ, որ մենք գուցէ արուեստական միջոցներով, տղէտների, անպէտքների և կեանքից բեղարածների առաջ բաց անելով կուսակրօն հոգեորականութեան դռները, կարող կ'լինենք առ ժամանակ առնել վերջնական ճգնաժամի առաջը, բայց դրանով էլ կ'տուժէ կրօնը և քրիստոնէական գործը, որովհետեւ, ինչպէս ասացինք, այդպիսի նշանակութիւն չունեցող արգելքների պատճառով եռանգուն, զործունեայ և կրթուած մարդիկ եկեղեցական բարձրագոյն պաշտօնէութեան

մէջ չին մտնի, այն ինչ միայն այդպիսիները կարող են իրագործել եկեղեցու քաղաքակրթական և լուսաւորշական նպատակները և նրա ազդեցութիւնը կրկին զօրացնել ժողովրդի մէջ:

Վերև առաջարկուած բարեփոխութիւնների անմիջական հետևանքը կ'լինի իհարկէ նաև եկեղեցական վարչութեան հիմնական փոփոխութիւնն ու նոր կազմակերպութիւնը: Պատմական հանգամանքներն այնպէս են բերել, որ մեր այժմեան եկեղեցական կազմակերպութիւնը բացարձակ մի ապետական է: Վճռական խնդիրներում բոլորս պարտաւոր ենք հնագանդել առանց այլայլութեան, եթէ ուղում ենք դեռ ևս կամ կարող ենք նոյն եկեղեցու մէջ մնալ, մի անհատի որոշման: Բայց արագիւտիզմը, ինչպէս ամեն տեղ, այնպէս էլ յատկապէս եկեղեցու մէջ բացարձակակապէս վնասակար է և վտանգաւոր, որովհետև պահանջում է մարդուց այնպիսի բաներ, որ ոչ մի իրաւունք չունի պահանջելու: օրինակ՝ բացարձակ հնագանդութիւն նաև վարդապետութեան խնդիրներում, ուրեմն սեպհական բանականութեան և մտածողութեան ոչնչացումն, որ անկարելի է: Միապիտականութեան վնասակարութիւնը եկեղեցում ակնյայտնի կացուցանելու համար բաւական է յիշենք, որ օրինակ եկեղեցական վերանորոգութեան խնդրում ևս մենք կապուած ենք այդ մի անձնաւորութեան կամքից ու ըմբռնումից, գոնէ առ այժմ: Եթէ նա անընդունակ է ըմբռնելու խնդրի լրջութիւնը և անկարող գործի ձեռնարկելու, խնդրիրը ընականաբար վնաս կ'կրէ: Այդպէս չէր լինի, եթէ եկեղեցական միապիտութիւն գոյութիւն չունենար. որովհետև խընդիրը կեանքի հասունացած պահանջ լինելով՝ իւր ընական ուղիով կ'ընթանար և կ'լուծուէր: Մենք չենք ուղում այստեղ բացատրել, թէ ինչպէս է առաջ եկել բացարձակ միապիտութիւնը քրիստոնէական եկեղեցու մէջ: Այսքանը միայն կասենք, որ սկզբում քրիստո-

Նէական եկեղեցու կազմակերպութիւնը այդպէս չի եղել: Իւրաքանչիւր համայնք կառավարուել է անկախորէն իւր երէցն երով, աւագ անդամներով, որոնք դեռ միապետութիւն առաջ գալուց յետոյ էլ երկար ժամանակ պահել են իրենց խորհրդակցական ձայնը և միշտ նշանակութիւն են ունեցել համայնքի վերաբերեալ խնդիրները լուծելիս: Միայն այժմ է, որ համայնքը համարեա թէ իրաւազուրկ է հոչակուած իրեն վերաբերեալ խնդիրների նկատմամբ:

Այդպիսի կրաւորականութիւն արդի, ժամանակակից մարդը ընդունել կարող չէ մեր ներգործական դարում: Բացարձակ հեղինակութիւնների շրջանն ևս անցել է վաղուց. և մենք իրաւունք ու պարտք ունինք պահանջելու, որ ժողովրդական սկզբունքը լաւագոյն մոռքով իշխող լինի ժողովրդական եկեղեցու մէջ և մեղ վերաբերեալ խնդիրները առանց մեր մասնակցութեան ու խորհրդի այսուհետեւ ոչ ոք իրաւունք չ'համարէ վճռել: Իւրաքանչիւր առանձին համայնք իւր ներքին գործերի իրաւատէրնէ. իսկ ընդհանուր եկեղեցական խընդիրները անհատներ չեն կարող վճռել, այլ միայն ընդհանուր եկեղեցական ժողովը: Այդ սկզբունքով պիտի վերանորոգուի մեր եկեղեցական քայլքայուած կազմակերպութիւնը:

Մենք ընդհանուր զծերով ասացինք այն, ինչ որ հարկաւոր է Հայոց եկեղեցուն: Պէտք է վերանան հոգեւորականների կամայականութիւնը, կախարդական և կառավագտական կրօնը, դաւանանքների իշխանութիւնը, փարիսեցիական ձեռականութիւնները, և Հայոց եկեղեցին պիտի հիմքից ի վեր վերանորոգուի և վերածնուր Յիսուսի աւետարանի հիման վրայ, առանց յապաղելու և առանց տատանուելու: Ահա մեր պահանջը և զգացած ծանր կարիքը:

Կարճամիտներն ու «Միոնի պահապահանները» ան-

հաւատարմութիւն կ'համարեն այդ դէպի հայրենի ժառանգութիւնը, իսկ մենք առում ենք. այդպիսի պահանջ անել ստիպում է մեզ մեր բուռն սէրը դէպի եկեղեցին ու կրօնը, որի զօրութեան խորտակումը տեսնելով՝ ճմլում է մեր սիրտը:

Այդ պատճառով էլ մենք յայտարարում ենք. քը իստոնէ ական եկեղեցու թշնամին ու անհաւատարիմը ոչ թէ նա է, որ վերածնութեան կարիք է զգում ու պահանջում, այլ նա, ով անշարժ կանգնած մնալ է ուղումհայրերի աւանդի վրայ, դրանով կանգնեցնել կամենալով մարդկային մտքի և զգացմունքի զարգացումը. որովհետև «Սովորութիւնը կամ աւանդութիւնը առանց ճշմարտութեան միայն մի հին մոլորութիւն է»:

ՅԱԻԵԼՈՒԱԾ

I

Նորին Ամենապատութեան Տ. Տեղակալի Հայրապետութեան Ասենայն Հայոց, Գէորգ արքեպիսկոպոսի Սուրենանան:

ՄԱՅՐ ԱԹՈՌԻ ՄԻԱԲԱՆ ԵՐՈՒԱՆԴ
ՎԱՐԴԱՊԵՏ ՏԵՐ-ՄԻՆԱՍԵԱՆԻՑ

յայտարարութիւն.

Զերդ Ամենապատութեան գրաւոր և բանաւոր հրամանների համաձայն՝ Արարատ ամսագրի Հոկտեմբերի տետրակից հանուեցին և կրակի մատնուեցին իմ՝ «Հայոց եկեղեցու վերանորոգութեան խնդիրը» վերնագրով յօդուածի թերթերը, որ և իցէ բացատրութիւն կամ հիմք մատնանշուած չէր Զերդ թղթերի մէջ. մընում է ինձ ենթադրել, որ Զերդ Ամենապատութիւնը իմ յօդուածը անհամապատասխան է գտել Հայաստանեայց եկեղեցու վարդապետութեանը և անյարմար՝ Մայր Աթոռի պաշտօնական ամսագիր Արարատի մէջ տպագրուելու համար, իմ համեստ կարծիքը, սակայն, այս է, որ Հայոց եկեղեցու ոգուն ամեննեին դէմ լինել չի կարող քրիստոնէական կրօնի հիմնական սկզբունքները պարզելը և եկեղեցական կեանքի համար օգտակար և անհրաժեշտ բարեփոխութիւններ առաջարկելը, Մանաւանդ թէ՝ ամեն քրիստոնէական եկեղեցու ոգուն դէմ է բռնի միջոցներով ազատ խօսքն արգելելը, իսկ գրուածքներ այրելը դէպի միջնադարեան խաւարն է տանում:

Ի՞նչ միջոցներով պէտք է իրականանայ Հայոց եկեղեցու հիմնական վերանորոգութիւնը, որի կարիքն

այսօր ակնյայտնի է բոլոր քրիստոնէական եկեղեցու և կրօնի մասին լուրջ կերպով մտածողների համար, եթէ արգելում է մինչև անդամ այդ խնդրի մասին խօսելը: Եւ ո՞վ է աւելի ձեռնհաս սրտացաւ կերպով եկեղեցու կարիքներն ու վէրքերը բաց անելու և բուժելու միջոցներն առաջարկելու, եթէ ոչ նոյն եկեղեցու ուխտեալ սպասաւորը: Մենք չենք կարող անուշադիր լինել, որ ժամանակի շարժումն առաջ է զնում, առանց մեզ հարցնելու, և այդ շարժման շնորհիւ հանդէս եկած լուսաւորութիւնը օտարացնում է եկեղեցուց ու քրիստոնէական կրօնից թէ մտաւորականներին և թէ հասարակ ժողովրդին: Միթէ քրիստոնէական եկեղեցու պարտքը չէ ընդառաջ զնալ ընդհանուր շարժմանը և առաջնորդ հանդիսանալ ժողովրդին՝ մտքերի համատարած շփոթութեան մէջ: Այդպէս է հասկացել քրիստոնէական եկեղեցին իւր նպատակը մինչև այժմ: և սրանից յետոյ էլ ուրիշ կերպ լինել կարող չէ: Քրիստոնէական եկեղեցին հետամուտ չպէտք է լինի կեղեց անփոփոխ պահպանելու, եթէ դրանով վտանգ է սպառնում կորիզին: Այժմ ճգնաժամի մէջ է մեր եկեղեցին, ընդհանուր քրիստոնէութեան հետ միասին, այդ կեզեն յաւիտենական և անփոփոխ համարելու և պահպանելու պատճառով: Եւ այն մարդիկ, որոնք պարզ կերպով տեսնում են վտանգը, չեն կարող և իրաւունք չունին լոելու, անտարեր ականատես լինելով եկեղեցու անկման ընթացքին:

Այդ շարժառիթներից դրդուած՝ ևս սրբազն պարտականութիւն համարեցի սոյն թուի Արարատի Մայիս-Յունիս և Հոկտեմբեր համարներում իմ կարծիքներս ու մտածմունքներս արտայայտել, մանաւանդ որ Զերդ Ամենապատութեան յատուկ յանձնարարութեամբ նոյն ամսագրում տպուեց նաև հակառակ ուղղութեան մի յօդուած, «Բացակայ միաբան» ստորագրութեամբ, որ ամեն ինչ անփոփոխ պահպանելու ցան-

կութեամբ էր տողորուած։ Ինքնըստինքեան խնդիր է առաջ գալիս ուրիմ՝ թէ որն է այն չափը, որով պիտի չափուին Արարատում տպուելիք յօդուածները։ Վերջին կարգագրութիւնները պարզում են, որ ազատ մտածելն ու արտայայտելը Հայոց եկեղեցու շրջանակի մէջ արգելում է նրա պաշտօնեաներին և սահմանւում է անշեղ կերպով հետևել դարերից մեզ ժառանգութիւն մնացած, արդի աշխարհայեացքին ու կեանքին բոլորովին անհամապատասխան աւանդութիւններին ու կարգերին։ Սակայն Զերդ Ամենապատւութիւնն էլ անշուշտ կ'ընդունէ, որ այդպիսի արգելք կամ սահմանումն դնելու իրաւունք ոչ որ չունի, քանի որ խնդիրը վերաբերում է ամբողջ Հայոց եկեղեցուն, իսկ ի. գարում նրա միլիօնաւոր անդամների համար Դ. կամ Ե. գարու աշխարհայեացքն ու կարգելը պարտագիր դարձնել ոչ միայն հնարաւոր, այլ և բանական չէ։ Այսպէս որ, իթէ Մայր Աթոռի «բացակայ միաբանը» Հայոց Հայրապետութեան պաշտօնական բերան «Արարատ» ամսագրի մէջ իւր հնադարեան հայեացքները պարզելու իրաւունք ունի, այդ նոյն իրաւունքից չի կարող զրկուած յայտարարուել մի այլ միաբան, որ արդի աշխարհայեացքի ներկայացուցիչ լինելով և Հայոց եկեղեցու իսկ շահն իւր սրտին շատ մօտիկ ընդունելով, հիմնական վերանորոգութիւն է պահանջում։

Այդ տեսակէտից բողոքելով Զերդ Ամենապատւութեան Հայոց եկեղեցու շահներին անհամապատասխան կարգագրութեան դէմ, միևնոյն ժամանակ խնդրում եմ հաճիք միաբանական ժողով հրաւիրել, այդ խնդրի առթիւ խորհրդակցելու, որպէսզի պարզուի, թէ Ս. Էջմիածնի միաբանութիւնը ի՞նչ է մտածում եկեղեցական վերանորոգութեան մասին և արդեօք գայթակղւում է իրօք պաշտամունքի նկատմամբ իմ արած առաջարկներից։ այն միաբանութիւնը, որին Զերդ Ամենապատւութեան հրամանով անցեալ զատկի ա-

ւագ շաբաթուն թուղթ էին ստորագրել տալիս, դոնէ այդ խորհրդաւոր օրերին եկեղեցի մտնելու։ Իւր այդ ընթացքով արդեօք Ս. էջմիածնի միաբանութիւնը գեռ ամիսներ առաջ չէ ապացուցել իմ գրածների բացարձակ ճշմարտութիւնը։ Ո՞րն էր ուրեմն իմ յանցանքը, և ինչու համար կրակի բաժին դարձաւ իմ յօդուածը։

Զերդ Ամենապատութեան շուտափոյթ կարգադրութեանն սպասելով

Մնամ միաբան Մայր Աթոռոյ Սրբոյ էջմիածնի Երուանդ վարդապետ Տէր-Մինասեանց

**14 Նոյեմբերի 1908
Ս. էջմիածին**

II

Նորին վեհափառութեան Տ. Տ. Մատեոսի, Մրգագիազոյն կարողիկոսի ամենայն Հայոց

ՄԱՅՐ ԱԹՈՌԻ ՄԻԱԲԱՆ ԵՐՈՒԱՆԴ
ՎՈՐԴԱՊԵՏ ՏէՐ-ՄԻՆԱՍԵԱՆԻՑ

Ամենախոնարհ լայտարարութիւն

Յայտնի է անշուշտ Զերդ Վեհափառութեանը, որ անցեալ 1908 թուականի Նոյեմբեր ամսի սկզբին՝ ամենայն Հայոց Հայրապետութեան Տեղակալ Տ. Գէորգ Արքեպիսկոպոս Սուրէնեանի կարգադրութեամբ, Մայր Աթոռի պաշտօնական «Արարատ» ամսագրի Հոկտեմբերի տետրակից հանուեցին և կրակի մատնուեցին իմ «Հայոց եկեղեցու վերանորոգութեան խնդիրը» վերնագրով յօդուածի թերթերը։ Ի՞նչ շարժառիթներից դրդուած և մամ խորհրդով արեց նա այդ միջնադարեան, հայ քրիստոնէական ազատախոհ եկեղեցուն ան-

ջնջելի արատ բերող կարգադրութիւնը, անկարելի եղաւ այնուհետև իմանալ, թէն ես, իբրև տուժող, զրաւոր բողոք ներկայացնելով նորին Ամենապատւութեան՝ Տ. Տեղակալին, ինգրեցի միաբանական ժողով հրաւիրել, որպէսզի պարզուի, թէ Ս. էջմիածնի միաբանութիւնն ինչ է մտածում եկեղեցական վերանորոգութեան մասին և արդեօք գայթակղւում է իրօք իմ արած առաջարկներից, ինչպէս ինըը Տ. Տեղակալն յայտնել է բերանացի: Տ. Տեղակալը խոյս տուեց միաբանական ժողով հրաւիրելուց և այդպիսով ինդիրը մնաց առկախ մինչև այսօր՝ մինչև Զերդ Վեհափառութեան հայրապետական աթոռ բազմելը:

Բայց այս ինդիրը այնպիսի խնդիրներից է, որոնք սկզբունքի տեսակէտից ամենամեծ նշանակութիւն ունին եկեղեցու համար և այդպէս առկախ, առանց պարզ և որոշ լուծման մնալ չեն կարող: Իր առունք ուն ին Հայոց եկեղեցու պաշտօն եաները ազատ կերպով մտածելու և արտայայտելու իրենց կարծիքները եկեղեց ական կարեռ, բարեփոխութեան կարօտ խնդիրների մասին, թէ նոցա վիճակուած է միայն անշեղ կերպով հետեւ անցեալ դարերից ժառանգութիւն մնացած, արդի աշխարհայեացքին ու կեանքին բոլորովին անհամապատասխան աւանդութիւններին ու կարգերին: Ամենայն Հայոց Հայրապետութեան տեղակալը չկամեցաւ ինձ այդ հիմնական հարցի պատասխանը տալ, թէն նա իւր կարգադրութեամբ արդէն արգելել էր ազատ մտածողութիւնն ու նրա արտայայտութիւնը Հայոց եկեղեցու մէջ և իւրեն համար պարզ պիտի լինէր, թէ ինչ է իւր ասելիքը:

Այդ պատճառով՝ բողոքելով Տ. Տեղակալ Գէորգ արքեպիսկոպոս Սուրէնեանի Հայոց եկեղեցու շահերին միանգամայն անհամապատասխան կարգադրութեան և

Նբանից յետոյ ցոյց տուած անտարբեր վերաբերմունքի գէմ, դիմում եմ Զերդ Վեհափառութեան արդարադատ վճռին, խնդրելով ամենախոնարհաբար, որ Ամենայն Հայոց Հայրապետութիւր հեղինակաւոր ձայնը լսելի անէ ամբողջ հոգեորականութեան և ժողովրդի առաջ, սրբէ Հայոց եկեղեցու վրայից Տ. Գէորգ Արքեպիսկոպոսի թողած անպատուաբեր բիծը, յայտարարելով, որ Հայոց եկեղեցու վարդապետը իրաւունք և սրբազն պարտականութիւն ունի մտածելու և գրելու եկեղեցական կարիքների մասին և ոչ ոք իրաւունք չունի բռնի միջոցներով՝ դանակով ու կրակով ազատ միաքը կաշ-կանդելու:

Պատիւ ունիմ սրա հետ Զերդ Վեհափառութեանը ներկայացնելու իմ վէճի առարկայ դարձած յօդուածները (Արարատ, Մայիս-Յունիս և Հոկտեմբեր 1908 ամի) և Տ. Տեղակալի անունով 1908 թուի Նոյեմբերի 14-ին տուած բողոքի պատճենը, որպէսզի Զերդ Վեհափառութիւնն անձամբ համոզուի, թէ որչափ անիշաւցի է եղել Տ. Տեղակալի կարգադրութիւնը:

Սպասելով Զերդ Սըբութեան իմաստուն վճռահատութեանը


ՄՆԱՄ ԽՈՆԱՐՀ ՌԵԴԻ ԵՐՈՒԱՆԻ ՎԱՐԴԱՎԵՍ Տէր-Մինասեանց

Միաբան Մայր Աթոռոյ Սրբոյ էջմիածնի.

Հ-Ն Յուլիսի 1909 ամի

U. Եղմիածին

Ես ոչ մի պատասխան չ'ստացայ մինչև այսօր.
ինդիրը քնացրին. բայց դորա հետ կապուած բոլոր
խթառ կարևոր հանդամանքների մասին ես շուտով
առիթ կունենամ յառաջաբանում խոստացած նոր գըր-
քոյկիս մէջ մանրամասն պատմելու և մի շարք գաղտ-
նիքների ծայրը բաց անելու:



ՆՈՅՆ ՀԵՂԻՆԱԿԻ

Բ. 4:

1. Die armenische Kirche in ihren Beziehungen zu den syrischen Kirchen bis zum Ende des 13 Jahrhunderts. Leipzig 1904 4 —
2. Des hl. Irenäus Schrift zum Erweise der apostolischen Verkündigung (*Կարապետ հալիսկոպոսի հետ միասին*). Հայերէն և գերմանէրէն. Leipzig 1907 3 —
3. Նոյն գրքի գերմանէրէն թարգմանութեան Բ. Հրատարակութիւնը. Leipzig 1908 80
4. Բաբելոն և Սուրբ Դիբք. Էջմիածին 1908 . — 15
5. Հնդ. Եկեղեցական Պատմութիւն Ա. Հին եկեղեցին. Էջմիածին 1908 1 25
6. Տիմոթէոսի Աղեքսանդրացւոյ Հակաճառութիւն Քաղկեդովինի. (*Կարապետ հալիսկոպոսի հետ միասին*). Էջմիածին 1908 4 —
7. Կրօնի և Կրօնի գիտութեան էութիւնը ըստ Տրեօլչի. Էջմիածին 1907 25
8. Վերանորոգութեան կարիքը Հայոց եկեղեցու համար. Էջմիածին 1908 10
9. Հայոց եկեղեցու յարաբերութիւնները Ասորուց եկեղեցիների հետ. Էջմիածին 1908 . . . 1 50
10. Կրօնների պատմութիւն. Էջմիածին 1909 . . 1 50
11. Ցիսուսի կհանքը. Էջմիածին 1909 30
12. Իրենիոսի «Ընդդէմ Հերձուածոց» գիրք Դ. և Ե. Leipzig 1910 4 —

Սոյն գրքովի գինն է 25 կոպէկ